



WANTOK

Niuspepa Bilong Yumi Ol PNG Stret!

Namba 1844

Wan Wik, Desemba 10 - 16 2009

K1 tasol long olgeta hap



Bikpela bampa Isu bilong Kristmas na Niu Yia bai kam aut klostu!

**NOKEN
ABRUSIM!**



AMAMAS: Prais Minista Se Michael, i sainim tok orait bilong kamap bilong LNG Projek. Sindaun long rait han em Vais Presiden bilong ExxonMobil Jack Williams na Menesing Dairekta bilong Oil Search Peter Botten (sindaun lep han). Sanap baksait em (l-r) James Marape memba bilong Tari-Pori; William Duma, Minista bilong Petroleum na Eneji na Anderson Agiru, Sauten Hailans Gavana.

LNG projek bai givim salens: Somare

Paul Zuvani i raitim

BIKPELA salens bilong gavman em bilong lukim ol manmeri long ples i gat rot, haus sik, marasin, skul, mekim bisnis na kisim ol arapela sevis bi-hainim kamap bilong LNG projek (PNG LNG).

Na long mekim dispela wok i no isi, dispela i mas kisim taim, strong na sapot bilong wanem gavman i go pas long kantri.

Kos bilong developim dispela projek i sanap olsem K42 Bilion (US\$15 B), tasol dispela bai antap moa taim olgeta arapela samting i pas

long wok bilong em i kamap.

Dispela i tok bilong Prais Minista Gren Sif Se Michael Somare long taim bilong sainim laspela hap bilong tok orait bilong projek namel long gavman na ol projek patna Esson Hailans Limited (hap han bisnis grup bilong ExxonMobil), Oil Search Limited na Santos.

Dispela saining i bin kamap long Palamen Haus long Tunde dispela wik.

Tupela samting gavman i plen na i laik kamapim long lukautim mani i kam long LNG projek em:

- Sanapim wampela beng akaun o fan ol bai

kolim Sovereign (Sovren) Fan; na

- Narapela em Stebelaisesen Fan (em Tresera na Fainens Minista Patrick Pruaitch i tokaut long welkam toktok bilong em).

Long dispela Sovren Fan, gavman bai yusim winmani bilong projek long strongim Developmen Baset bilong en long kamapim ol rot, skul, haus sik na ol arapela sevis.

Long Stebelaisesen Fan, gavman bai yusim mani taim em i bungim taim nogut long mani plen bilong en long bihain taim.

I go moa long pes

WINIM wampela kar i pulap long kesmani!

I gat 40 Nokia 6500 long givim fri olgeta wik!

500 Wina bai kisim K3 olgeta de!

Salim text na bai yu ken WINIM wampela Nupela Toyota Hilux wantaim 100,000 kina kesmani.

Text "digicel" igo long 7878 long go insait long dro!

K1 long wan wan SMS.

Digicel

Bikpela, Simpela moa Nerus bilong PNG.

Digicel Tems na Kondisen em yu ken kisim long Kastoma Kea. Gren Dro bai kamap long Januery 8, 2010. Dro bai kamap laiv long radio. Dro bai kamap aninit long lukaut bilong wampela independen wasmanmeri. Promosen bai pinis long Januery 7, 2010. Em i op long ol Digicel Pripeit na Pospeit Kastoma.

OX & PALM Since 1936

Em i liklik prais tu!!

I stap klostu long stua bilong yu...

Rait abus!

OX & PALM PORK LUNCHEON MEAT

NET WEIGHT 140g

OX & PALM PORK LUNCHEON MEAT

NET WEIGHT 340g

Japan gavman givim klostu K800,000 long helpim tripela skul

James Kila i raitim

GAVMAN bilong Japan long las wik Fraide i bin sainim tripela kontrak long halivim tripela skul insait long PNG wantaim moa long US\$269,116.

Dispela mani long sait bilong Kina bilong PNG em mak olsem K766,712.

Embeseda bilong Japan, Hajime Nishiyama i bin wantaim tripela ol man husat i makim ol dispela tripela skul long sainim ol dispela pepa bilong Japan grent helpim long Mosbi long lukim ol wok i kamap long ol dispela skul long neks yia.

Ol dispela skul husat i kisim helpim long gavman bilong Japan em Rumginae komyuniti helt wokas skul long Westen provins, Kwip praimer skul long

Mul-Baiyer distrik long Westen Hailans provins na tu Anglimp praimer skul long Westen Hailans provins.

Ol dispela skul i lukim Rumginae i kisim US\$96,822, we bai lukim mani igo long wokim nupela dabol-stori clasrum long helpim ol sumatin husat bai go skul long dispela helt woka tren-ing skul. Kwip praimer skul bai i kisim US\$82,940 long helpim long wokim wanpela dabol klasrum.

Anglimp praimer skul long bai i kisim US\$80,346 long wokim kamap wanpela 3-yunit dabol klasrum.

Embeseda Nishiyama i tok olsem dispela tripela saining bilong grent kontrak em bikpela helpim tru igo long dispela tripela skul insait long PNG.

Prinsipol bilong Rumginae

CHW trening skul, Amos Kupaloma i givim bikpela tok amamas makim skul bod na ol lain long Westen provins igo long gavman bilong Japan long luk-save long aplikessin bilong ol na givim helpim.

Embeseda Nishiyama i tok olsem em i bilip dispela helpim wantaim Japanis grent bilong ol gras ruts projek bai helpim long givim gutpela ples long ol sumatin long stap na lainim ol gutpela samting insait long skul bilong ol.

Em i tok tu olsem helpim i go long Rumginae bai givim gutpela sapot igo long komyuniti helt woka long kisim gutpela save long helpim ol pipel long narapela ples insait long PNG, husat long nau yet i save bungim hevi long sait bilong gutpela helt edukesin



SAINIM TOK ORAIT: Embeseda bilong Japan long PNG, Hajime Nishiyama i sainim ol grent kontrak long lukim wok kamap long Rumginae helt woka skul long Westen provins wantaim prinsipol Amos Kupa-

na tu sevises long go long ol. Het tisa bilong Kwip praimer skul, Michel Iki wantaim het tisa bilong Anglimp praimer skul, Anthony Kutela i tokaut tu olsem ol komyuniti long eria i kam long en bai amamas tru long harim na lukim ol wok divelopmen i kamap long ol dispela skul. Tupela i givim bikpela tok amamas tru igo long pipel na gavman bilong Japan long helpim ol i givim long dispela gras ruts projek grent long helpim skul bilong ol long Westen Hailans provins.

Noken wari long ol minerel

Bustin Anzu i raitim

OL Simbu ino ken wari olsem ol ino gat ol minerel insait long provins bilong ol tasol ol i mas save olsem ol i ken kamapim ol gutpela save man na meri we ol i ken lukautim ol dispela risos.

Kelly Naru, wanpela biknem loiya insait long kantri i tok ol i mas amamas long wanem ol bilong Simbu.

"Mipela ino gat gutpela ples long mekim wok. Ples i maunten, wara na planti karanas. Mipela ino gat gutpela minerel risos olsem gol, kopa, ges, oil na ol narapela kain risos i stap long provins bilong mipela. Tasol mipela i save kamapim ol planti save lain.

"Na ol dispela minerel risos bilong mipela insait long provins em ol sumatin nau ol i pinisim skul. em ol risos bilong

mipela," Naru i tok. Em i mekim dispela tok-tok bihain long witness namba 6 Gret 12, namba 38 Gret 10, namba tri CTCS na namba wan kedet greduesen long Kerowagi Sekenderi skul long las wik.

Dispela ol toktok bilong em i bihainim toktok bilong wanpela jiolojis (geologist) bilong Simbu yet Were Mori husait i mekim wankain toktok long pastaim.

Mori i tok planti ol Simbu i mekim gut long laip na ol dispela lain pikinini husait i pinis nau bai kisim stail na pasin bilong ol.

"Mipela i gat Dokta Clement Waine, Dokta John Kola, Michael Unagi, Musawe Sinebare na planti moa. Ol dispela lain Simbu i givim strong na pawa long human risos bilong kantri long mekim wok insait long kantri," Mori i bin toktok long taim

bilong greduesen. Naru, wanpela olupela sumatin bilong Kerowagi yet tu i tok planti taim ol ino save mekim wok bilong ol gut long wanem, igat planti ol samting i save pasim ol long mekim skul gut o wok.

"Planti samting i save stopim mipela long mekim gutpela skul o wok olsem na mipela planti i bin pundaun long dispela. Mipela ino save long menesim ol dispela samting.

"Olsem na planti manmeri insait long kantri ino mekim gut long laip bilong ol. Mipela ino gat gutpela save long menesim dispela," em i tok.

Olsem na em i askim ol sumatin long menesim ol yet long laip na mas abrusim ol kain samting we i laik pasim ol long mekim skul o wok.

Resis bilong Bisop i hot

Bustin Anzu i raitim

26 SINOT bilong Evanjelikal Lutheran Sios bilong Papua Niugini (ELCPNG) bai kamap long Lae, klostu long het kwata bilong sios na long dispela hap bai ol i makim nupela bisop bilong sios.

Dispela sinot bai lukim ol Kristen manmeri bilong Lutheran insait long kantri bai kam bung long lukluk long wok bilong sios insait long kantri na tu makim namba 5 bisop bilong ol.

Bihain long dai bilong olupela Bisop, Rait Reveren Sif Dokta Wesley Kigasung long las yia (2008) namba tu bisop Pasto Zau Rapa i bin kisim ples bilong em.

ELCPNG nominesen komiti advaisa Wilson Waesa i tok long Sios Kaunsil Miting long las mun, 4-pela nem i stap pinis bilong Bisop. Na narapela tupela long posisen bilong namba tu bisop na wanpela bilong sios sekreteri.

Madang distrik na narapela tisa bilong Martin Luther Semineri Dokta Numuc Zirajukic Kemung bilong Kate distrik.

Pasto Peter Wamp bilong Ziwaka distrik na olupela distrik presiden bilong Papua Reveren Sommy Setu bilong Karkar long Madang bai

resis long sia bilong nam-ba tu bisop, we nau Rapa i lukautim na Sios sekreteri Theo bai kisim salens long Albert Tukawe bilong Kainantu distrik.

Nau yet, wok igo het yet long ples bilong holim dispela bikpela kibung bilong sios long Martin Luther

Semineri, klostu long Ampo Het Opis.

Dispela sinot bilong Lutheran Sios em long luk-save long wok bilong sios na wanem ol samting ol inap long wokim olsem sios bilong 1.2 milen Kristen manmeri insait long kantri.



LUKSAVE: Gret 12 Dux (tie) Isidor Ben (l) na Samuel Mori (r) i sanap raunim Naru long kisim prais bilong tupela. *POTO: Bustin Anzu*

OXFORD, TOK PISIN INGLIS DIKSENERI

Katim, na pulimapim oda fom daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

TITLE	ISBN	PRICE (in GBP)	QTY	SUBTOTAL
PNG Tok Pisin English Dictionary	9780195551129	K38.50		

Non-refundable unless you are dissatisfied with the quality of the printed copy. In this case, we will replace it free of charge.

TOTAL

PNG PRICE

CASH TOTAL

Freight cost for land mail: K1.00 approx. PNG. K10.00 approx. for air mail.

Options for Payment

1) Direct Deposit into Bank Account (Interest Free)

2) Mail Order to World Publishing Company Ltd, PO Box 1082, BORNEO, AUST.

3) Call into the office, Office 22, Section 14, Alibon Road, Boronia, Vic. 3083.

Account Name: World Publishing Company Ltd

Account Number: 100 000 5380

Bank: Bank of South Pacific Ltd

Branch: Commercial Centre

Branch Code: 8951

Swift Code: BOSPPCFM

FAX BACK TO : (675) 325 2579

Please email back more than one copy please contact us via a pager

Phone: (675) 325 2580

Fax: (675) 325 2579

Email: world@worldpub.com.pg

Name (print):

Address (print):

Email:

Phone:

Fax:

Signature:



GIVIM SEVIS: Wampela Kutubu komyuniti helt woka we Oil Search i givim skul long mama na pikinini long rot bilong abrusim sik malaria.

Esso Hailans tokaut long kontrakta bilong LNG projek

Paul Zuvani i raitim

BIHAINIM saining bilong fainel investmen disisen (FID) namel long Gavman bilong Papua Niugini na ExxonMobil, Esso Hailans Limited i tokaut long ol kontrakta em i awotim kontrek long ol.

Esso Hailans i han kampani bilong Exxon Mobil Koporesen.

Inap olsem 8-pela kampani em Esso Hailans i kisim long mekim kontrak wok.

Dispela ol kontrakta em:

• **CHIYODA** Koporesen na **JGC** Koporesen long mekim wok long 6.6 milion tan

bilong ges long wan wan yia long LNG Plent sait long Boera ples na prosesim na tritim neturel ges, likuifikesen, stored na loding;

• **JOIN** vensa namel long CBI na Clough mekim wok long ges longHides;

• **SPIECAPAG** long onso (onshore) paipain na infrastruktsa;

• **SAIPEM** long ovso (offshore) paipain na

• **JOIN** vensa namel long McConnell Dowell Konstraktsas na Konsolideted Kontrakts Grup Ovso bilong sapot infrastruktsa.

PNG LNG i projek we planti ol kampani i wok bung long kirapim na developim ges.

Ol husat i stap long kamap bilong dispela projek em Exxon Mobil Koporesen (Esso Hailans em i gat 33.2 pesen sea), Oil Search Limited (29.0 pesen), Indipenden Pablik Bisnis Koporesen (PNG Gavman- 16.6 pesen), Santos (13.5 pesen), Nippon Oil Eksploresen (4.7 pesen) na Minerol Risoses Developmen Kampani (MRDC- PNG papagraun, 2.8 pesen) na Petromin PNG Holdings Limited (0.2 pesen).

Polis sasim tupela man Bogia long bagarapim wait-meri long Madang

James Kila i raitim

POLIS long Madang i holim pasim na sasim tupela yangpela man bilong Bogia insait long Madang provins bihain long ripot i tokaut olsem tupela i bagarapim wampela wait-meri husat save stap long taim long Madang taun.

Madang Provinsal Polis Komanda (PPC), Anthony Wagambie (Jnr) long Tunde i tokaut long nem bilong dispela tupela yangpela man bilong Bogia em long Gregory Kaski, husat i gat 20-krisman na Donald Buna, husat i gat 23-krisman.

PPC Wagambie i tok dispela tupela man em ol pikinini bilong ol pablik sevans long Madang. Wampela bilong ol dispela em pikinini bilong wampela helt woka na narapela em pikinini bilong wampela haiskul tisa.

Em i tokaut olsem polis i bin sasim tupela long brukim haus na stil na tu long sas long baragapim dispela wait-

meri, husat i wok i stap long Madang long taim tru.

Tupela man ya i stap long polis sel long Madang, tasol bihain bai ol i karim ol igo kalabus long Beon CIS.

PPC Wagambie i tok tu olsem polis i save long ol narapela lain husat i ronawe na bai painim ol yet na holim pasim ol.

Dispela hevi ol yangpela man long Madang i kamapim i bagarapim tru gutpela nem bilong Madang.

Wampela protes mas i bin kamap long Madang taun long las wik we i lukim ol meri i go pas long en wantaim sapot bilong ol bisnis haus na tu ol narapela lain manmeri bilong Madang. Planti ino amamas tru long pasin nogut nau i wok long kamap long dispela gutpela taun.

Madang provinsal lo na gut oda komiti wantaim Madang provinsal gavman i kamapim pinis tambu long salim bia insait long Madang provins we bai i stap inap tripela mun olgeta.

LNG projek bai givim salens: Somare

I kam long pes 1

Ol toktok long rot bilong yusim dispela ol mani bai kamap klia taim Dipatmen bilong Nesenel Plening na Monitaring i tokaut long 20-Yia-Plen bilong en long stat bilong 2010.

Paipain bilong LNG bai stat long Sauten Hailans na bihainim 700 kilomita mak i kam long Galp Provins na bihain kam long Boera ples, Sentrel Provins ausait long Mosbi.

Ol savemanmeri bilong Siapan, Australia na Amerika i helpim long kirapim dispela projek.

Long ol manmeri bilong Sauten Hailans na Galp Provins, kampani bai mekim bikpela ples balus long Komo long Sauten Hailans na wokim Haiwe i go daun long Kikori long Galp Provins na stretim Hailans Haiwe na ol bris i stap long em.

Dispela projek bai stap inap long tripela-ten krisman (30).

"Gavman bai lukim olsem em i was na lukautim gut mani em i kisim long ges projek.

"Long mekim olsem, em i laik

bringim gutpela sevis long ol pikinini bilong en long sait bilong edukesen, helt na ol arapela sevis.

"Bikos long dispela, PNG gavman wantaim helpim i kam long gavman bilong Australia i laik kamapim wampela sovren fan long sevim win mani em kisim long ges projek bai bihain taim em bai yusim long kamapim gutpela sindaun bilong ol manmeri.

"Planti bilong dispela mani bai go long Developmen Baset long stretim ol rot na sosel infrastruktsa.

"Gavman bai yusim tu mani i stap long dispela akaun long ol arapela developmen wok we bai kamap long bihain taim," Se Michael i tok.

Em i tok long taim projek i stat planti mani bai go aut.

Dispela em bikos planti bilong ol masin na ol saveman bilong ronim dispela ol masin bai kam long ol arapela kantri.

Tasol long stretim dispela hevi, ExxonMobil i tok orait long

kamapim tripela skul bilong skulim ol lokol manmeri long kisim save na yusim dispela ol masin.

"Tupela teknikal skul i kamap we wampela long Mosbi na narapela long Juni long Sauten Hailans.

"Narapela bai kamap long LNG Plent sait (Boera, Sentral Provins).

"Wantaim dispela mi save olsem long namba tri LNG Tren, bai gat inap savemanmeri long Papua Niugini yet husat bai yusim dispela ol masin long mekim dispela ol wok," Somare i tok.

Kantri bai lukim bikpela senis long kamap bilong ges projek na gavman i gat plen long kamapim tripela ges projek.

Wampela projek nau em Exxon-Mobil i go pas long em na kisim ges long Sauten Hailans Provins, narapela em InterOil long Galp Provins na namba tri projek em long Westen Provins we Talisman Eneji bai go pas em.

BATTERY CHARGERS

Jump Start 1500

K979.00

Autostart 300

K1,500.00

Automatic 12

K1,100.00

Progress 8

K240.00

Progress 35

K1,500.00

BISHOP BROTHERS
everything for industry...

www.bishopbros.com.pg

PORT MORESBY | LAE | PORGERA | MT HAGEN | MADANG | KIMBE | RABAU | VANIMO | HONIARA

Givim taim long ol pikinini

Bustin Anzu i raitim

OL PAPA mama i mas givim taim long ol pikinini na tingim ol long painim skul fi na lukautim ol.

Dispela em tingting we Provinsel Polis Komanda (PPC) bilong Simbu Superintenden Joe Tondop i givim long ol papamama bilong ol pikinini long Kerowagi Sekenderi Skul long las wik.

Tondop i tok planti taim ol papa mama i no save lukautim ol pikinini na lusim ol pikinini long stap ol yet na bisi long ol narapela samting bilong ol yet.

“Planti taim mipela i no save tingting long ol pikinini bilong mitpela long bihain taim bilong ol. Mipela i save pilai kas, pilai poki, drink na i no save tingim ol pikinini.

“Na taim ikam long skul fi, mipela i save painim ol wantok long peim ol skul fi. Mipela olsem ol papa mama i mas baim ol dispela skul fi,” em i mekim dispela ol toktok long greduesen bilong Kerowagi Sekenderi skul.

Superintenden Tondop tu i patron bilong namba wan Kedet Klab bilong skul.

Dispela klab em ol sumatin i lainim long kamap ol gutpela

lida bilong bihaintaim na tu, sampela disiplin bilong sait bilong ami, polis na woda.

Dispela klab igat 49 sumatin long Gret 12 (19) na 10 (31). Polis na ol woda tu i givim han long sait bilong disiplin.

Boss bilong ol polis long Simbu i tok em i amamas long lukim ol sumatin i putim ol fri taim bilong ol wantaim long kamapim dispela namba wan Kedet klab. Ol dispela sumatin igat bikpela laik long joinim ol disiplin wok fos olsem ami, polis na woda long bihaintaim bilong ol.



TINGIM PIKININI:
PPC Superintendent
Joe Tondop
Poto: Bustin Anzu

Lusim tupela i kam bek

Bustin Anzu i raitim

BIKBOS bilong polis long Momase i laikim olsem dispela tupela marit we ol lain bilong Buang i kisim i go i mas lusim hariap, nogat orait em yet bai i go na painim tupela.

Asisten Komisina bilong polis long Momase rijen Giossi Labi i mekim dispela strongpela toktok olsem sapos Disemba 15 em i abrus, em yet bai kisim ol polisman i go painim tupela long ol bus bilong Buang.

Em i tok memba bilong Bulolo Sam Basil i wokim wankain nek olsem ol i mas lusim dispela tupela marit na ol i mas joinim famili bilong ol long amamasim dispela kris-mas.

“Mi askim olgeta lida bilong Morobe long bungim tingting wantaim na daunim dispela kain samting. Mi laik askim ol lidaman bilong Buang long helpim ol na rausim dispela tupela marit,” Em i mekim dispela toktok long Redio Morobe long Tunde nait.

Ol lain bilong Buang i go long ples bilong ol Labu Talie klostu long Maus Markham na bagarapim ol samting, kukim 33-pela haus na tu bagarapim ol bot, bipo long kisim dispela tupela marit long gaden bilong tupela.

Polis i bin i go long painim tupela kam bek long las wik tasol ol i no inap long painim ol na ol i kam bek.

Provinsel Polis Komanda Superintenden, Peter Guinness i bin wokim wankain nek bilong apil long ol lain Buang long rausim dispela tupela marit i go bek long ples bilong tupela long Labu Talie.

Nau yet i nogat stori bilong dispela tupela marit olsem tupela i stap long wanem hap stret.

Komanda Labi i tok, “Mi laik

toksave olsem husat yu man o meri i holim pasim tupela marit i stap i mas hariap na rausim tupela i go bek. Sapos dispela taim mipela makim i abrus, mi yet bai kam na kisim tupela. Na dispela em yupela yet i save em bai i no inap isi tru.”

MP Basil i mekim bikpela wok long daunim dispela hevi na bungim ol lain bilong em long Buang.

Long las wik Basil i bin i go long ples bilong ol Buang na toktok wantaim ol manmeri. Long dispela wik, em bai i go bek na toktok wantaim ol lain bilong em ken.

Em i tok em i no gutpela samting long kisim lo long han bilong ol yet na i gat rot bilong stretim i stap olsem na ol i mas rausim dispela tupela mari i go bek long lain bilong ol yet.

Basil i bung wantaim PPC Guinness na toktok long putim ol polisman wantaim na ol bai stretim toktok.

PNG i nogat gutpela humen rait luksave

Paulus Tali i raitim

POP John Paul 2 oval o pilai graun long Hagen i bin lukim planti manmeri na pikinini i kamap long stap insait long ol program i sut long Nesenel De bilong ol Pikinini.

OL skul pikinini long Hagen taun i bin mas i go inap ol i kamap long Pop John Paul 2 oval we ol progrem bilong makim dispela de i bin kamap.

Mercy Works PNG em wanpela NGO grup o bin go pas long putim kamap dispela program na selebresen we ol narapela NGO grup, sios, polis, Koreksenel Sevis na pablik i bin kamap long stap insait long ol selebresen.

Dairekta bilong Mercy Works PNG, Sister Maniska Kua tai em i autim tok amamas bilong em long planti lain i kamap long selebresen i bin tok humen rait o luksave long rait bilong ol narapela em i wanpela bikpela hevi insait long PNG. Olsem, na yumi olgeta i mas wok bung wantaim long stopim ol dispela kain hevi olsem domestic vailens o pasin bilong paitim na bagarapim ol meri na HIV/AIDS i mas pinis.

Em i bin tok tu olsem infomesen em i bikpela samting na i mas go aut long olgeta manmeri na em i ken helpim ol long save long wanem i gutpela na wanem i nogutpela.

Ekting Komyuniti Polis Opisa in Sas long Hagen taun, Sajen Sisan Mondiai i tok pasin bilong paitim na bagarapim meri i wok long go bikpela, stat yet long yia 2004, na olgeta i mas putim han wantaim na daunim dispela hevi.

Em i tok narapela bikpela hevi o wok long kamap em, man i lusim meri na tu, man i wokim reip pasin sapos meri bilong em i les long slip wantaim em na mekim pasin pamuk i no stret.

Gtup lida bilong ol kalabus meri, Julie Nogla

o bin tokim ol man long lusim dispela pasin bikos long dispela tasol na ol meri olsem em i stap long kalabus.

Long wankain taim tu, POP John Paul 2 oval o pilai graun i bin lukim planti manmeri na pikinini i kamap long selebretim Wol AIDS De (WAD) long las wik Tunde.

Moa long 1,500 ol skul pikinini, ol stekholda o ol patna na ol sios i wok wantaim gavman long daunim sik AIDS i bin bung wantaim long amamasim WAD na tu, glasim ol wok ol i bin mekim long stopim sik AIDS i kilim moa manmeri na pikinini.

Meri dokta bilong Tininga klinik, Dokta Pethronia Kaima i bin putim askim olsem em i moa long 21 krismas bihain long sik AIDS i kam insait long PNG na PNG bai mekim wanem nau long daunim dispela sik. Em bin tok olsem yumi i mas klia olsem sik AIDS i nogat wanpela kliapela sik ol manmeri i gat dispela sik AIDS i save dai long en. Ol sik AIDS lain i save dai long sik malaria, sik pekpek wara na ol arapela sik moa, Dokta Kaima i bin tok.

Ripot bilong sik AIDS insait long Westen Hailans i soim olsem long yia 1987 i kam inap long 2008, samting olsem 5,656 pipel long provins i kisim sik AIDS. Ol lain husat i wok long kisim Anti Retrovairael marasin (ART) long Tininga klinik, Kudjip na Rebiambul em 998 pipel.

Dokta Kaima i tok Tininga klinik i save helpim moa long 70 manmeri i gat binatang bilong AIDS i kisim ART marasin. Nupela ripot i soim olsem klinik i save lukim 30-40 manmeri wantaim AIDS binatang insait long wan wan mun long Westen Hailans.

Provinsel Kea Kodineta, Apollos Imbak i tok yumi i mas mekim gut long ol manmeri i gat AIDS na painim ol rot long helpim ol.

Wok hat na yu lukim kaikai: Naru

Paulus Tali i raitim

LONG ol manmeri husat i gat tingting na moa long husat i gat bilip, wok na samting bai kamap.

I nogat wanpela samting i save kamap nating, loya Kelly Naru i tok long ol gredeun bilong Kundiawa Luteran De Hai Skul long las wik.

“Laip bilong yumi wan wan i bikpela samting.”

“Wanem samting yu driman long kamap o long mekim na wok hat long mekim em dispela samting bai yu kisim.”

“Yu no inap sindaun nating na tok dispela samting bai kam long yu.”

“Taim yu lusim skul bai yu bungim planti salens. Sampela i gutpela na bai helpim yu na sampela i nogut na inap bagarapim yu.”

“Tasol long olgeta dispela samting yu mas putim God Papa i go pas bai em i stiam yu gut long wokabaut long stretpela na gutpela rot,” Mista Naru i tok.

Em i tok maski Simbu i ples bilong maunten na ston tasol

God i blesim wantaim ol manmeri husat i gat save.

Wantaim dispela planti manmeri i ken givim sevis long pablik na praivet sekta long kantri na sampela i wok long narapela kantri.

“Yu Simbu man o meri i mas amamas long dispela. Kam bek long Simbu na kamapim ol wok long provins bilong yu,” Naru i tok.

Long dispela wokabaut em i givim K10,000 long wan wan Luteran Hai Skul, Banz Luteran Seminari na Gumine Hai Skul.

Ol skul long kantri i pasim dua wan wik pastaim long taim bilong pinis

Veronica Hatutasi
i raitim

NEKS yia 2010, skul yia bai stat long Februeri 1, 2010.

Na ol tisa bai i stap long ples bilong wok wanpela wik pastaim, Mande janueri 25, long redim ol samting bipo skul i stat long Februeri 1, 2010.

Taim bilong pasim skul long dis-

pela yia, 2009, i bin kamap wanpela wik bipo long taim stret bilong em bikos long senis yet bilong Edukesen Dipatmen.

OL skul insait long kantri i bin pas long las wik Fraide Disemba 4. Na i no long tumora Fraide, Desemba 11 olsem i stap long Edukesen Kalenda bilong dispela yia.

Long las wik Trinde, Edukesen Dipatmen na Tising Sevisis

Komisin (TSC) i salim toksave i go aut long olgeta skul na institusen na tu, pablik long toksave olsem ol skul i stap aninit long nesenel edukesen sistem i pas long las wik Fraide.

Edukesen Dipatmen na TSC i wokim dispela senis long pasim skul wanpela wik bipo long taim stret bihainim senis long Seksen 28 bilong Edukesen Ekt 1995 na Seksen 149 bilong TSC 1995.

Insait long Nesenel Kapitel Distrik, sampela skul i sapos long holim ol greduesen bilong ol Gret 8, 10 na 12 long dispela wiki i bin kirap nogut bikos dispela i kamapim hevi long ol program bilong ol.

Olsem na ol i hariap long senisim ol deit na holim ol greduesen long dispela las wik bipo long pinis bilong 2009 skul yia ol i bin senisim i go long las wik Fraide.

Ol skul i gat bikpela wok

Bustin Anzu i raitim

OL skul long kantri bai gat bikpela wok long mekim olsem olgeta pikinini i mas go long skul na kisim sampela kain luksave long edukesen. Dispela i min olsem i mas gat planti tisa na tu ol i mas gat planti klasrum bilong ol sumatin long kisim save.

Yunaitet Nesens (UN) i bin pasim tok olsem olgeta pikinini i mas kisim sampela kain luksave long rit na rait. Na dispela tingting nau i stap long ol bikman meri bilong edukesen olsem olgeta pikinini i mas go long skul.

Superintenden bilong ol Tisa long Staf Developmen Tisa Edukesen, Hams Mipil i tok skul bilong olgeta pikinini em i wanpela nupela kain samting ol i bin kisim luksave long en ol i mas mekim em kamap tru.

"Dispela i minim olsem ol mas gat planti tisa na tu mas gat planti klasrum long tising ol pikinini long go long skul. Sapos i no gat inap tisa na klasrum, em bai hat long kisim ol pikinini long ol skul," em i mekim dispela toktok long 45 greduesen bilong Balob Tisa Koles long Lae long las wiken.

Prinsipol bilong Balob Mulun Kumed, i tok dispela bai mekim ol tisa na edukesen dipatmen long wok hat moa yet long bringim ol dispela nupela senis we i wok long kamap insait long dipatmen bilong edukesen.

Samting olsem 517 sumatin i greduet long 45 greduesen na namba 7 bilong ol in-sevis trening. Na dispela em i wanpela bikpela namba we ol i kisim setifiket bilong Praimeri tising insait long kantri.

Long ol in-sevis, ol i wok tisa pinis na kam bek gen long kisim diploma bilong ol insait long 6-pela mun.

Ektong Bisop bilong Evangelikel Luteran Sios bilong Papua Niugini (ELC-PNG) Pasto Zau Rapa i tok Balob Tisa Koles em i wanpela olupela koles na em i bin kamapim planti ol tisa insait long kantri na em i amamas long dispela.

Em i bin tok planti ol tisa insait long kantri em ol sumatin bilong Balob na ol i kamapim ol gutpela lida, i no lida tasol insait long sait bilong lotu tu.

Apeke Taso bilong Gutnius Luteran Sios bilong Wabag tu i tok em i amamas long gutpela wok bilong Balob Tisa Koles na sios bilong ol bai igo het yet long sapotim dispela tisa koles.

Pater Allan Awai bilong Angliken Sios bilong Papua Niugini i sapotim toktok bilong Taso olsem sios bilong ol tu i luksave long Balob na ol bai stap klostu na sapotim dispela tisa koles long kamapim sampela gutpela lida insait long edukesen dipatmen.

Tisa mas soim rot bilong ol sumatin long bihainim

Michael Novingu i raitim

"TISA, yu mas soim gutpela pasin pastaim long komyuniti bihain long yu sanap long skulim ol sumatin bai respektim yu na lanim ol samting long skul.

Sumatin i no respektim bikos tisa i soim pasin nogut i lukim ol sumatin i kisim hombru, spak brus bagarapim ol samting long skul na komyuniti."

Bosman bilong edukesen long Madang Moses Sariki i mekim dispela toktok long ol papamama, tisa, sumatin, poro na ol arapela manmeri long namba 43 gret 10, 7 na 12 graduesen bilong Tusbab sekenderi skul long Madang, las wik Fonde.

Em i salensim ol tisa sumatin papamama long wokbung wantaim long lainim ol pikinini bilong mipela long kisim save long kirapim Madang provins na Papua Niugini long go het long bihain taim.

"Mipela bai traim long strongim ol sumatin bilong mipela stat long elementri skul i go long gret 12 stat long yia bihain long Madang distrik, Usino Bundi, Midel Ramu stat long 2010," Mista Sariki i tok.

Mista Sariki i tok wok bilong lainim ol sumatin i no wok bilong ol tisa tasol, nogat em i wok bilong ol papamama na sumatin long wokbung wantaim long lainim samting long skul long gutpela bilong ol sumatin long bihain taim.

Tisa i no wokim wok bilong ol i lukim planti sumatin i no kisim i bagarapim sindaun bilong ol long komyuniti bilong ol," Mista Sariki i tok.

Mista Sariki i tok planti sumatin i save kisim spak brus na hombru long taim bilong skul i lukim ol tisa i no laikim ol, komyuniti, papamama i no wanbel long kain pasin nogut i kamap long bagarapim sindaun bilong ol long komyuniti.

Em i tok tenkyu long ol tisa, sumatin na papamama long wokbung wantaim i lukim Tusbab sekenderi skul i kamap namba wan long gret 12 na namba tri long gret 10 fainal eksam long Madang na Papua Niugini long 2009.

TELIKOM PUBLIC NOTICE

Telikom will be transferring all Wireless Internet customers from POSTPAID to PREPAID on the 24th November 2009. It is important to take note of the following:

- 1. Your Logon Username will change.**
- 2. Contact customer care now on the numbers shown below to obtain your new User Name**
- 3. Your PIN Number will not change**
- 4. Your Data, Balance Enquiry and Account Recharge will be done through existing 1255 number**
- 5. You will be offered the Regular Bundle upon transfer from POSTPAID to PREPAID. However, you may choose any one of the other prepaid plans that suits you after migration**
- 6 Customers wishing to remain on POSTPAID should go to or contact the nearest Telikom sales office for assistance**
- 7. More information relating to the above will be available from 23th November at selected Telikom sales offices or may be sent through email on request.**

For further information contact: 323 4444 or 344 4444

Email: rait@telikompng.com.pg



TELIKOM PNG
Always there!

Nupela websait bilong Edukesen Dipatmen bai givim gutpela sapot

Veronica Hatutasi i raitim

EM i isi nau long ol pipel long PNG na wol bilong lukim na save long ol wok we Edukesen Dipatmen i mekim i stap.

Dispela i kamap bikos long dispela wik Mande, Edukesen Dipatmen i lonsim o kirapim nupela intanet websait adres bilong em "edukesen.gov.pg".

Em dispela nupela intanet websait we Sekreteri bilong Edukesen, Dokta Joseph Pagelio, i bin lonsim insait long wanpela seremoni we ol arapela bik manmeri bilong Edukesen Dipatmen yet na midia i stap long en.

Dokta Pagelio i tok lonsim dispela nupela intanet websait bilong Edukesen Dipatmen i soim olsem edukesen insait long PNG i stap nau long wol na wanem samting wol na PNG i laik save long en, ol i ken sekim tasol long dispela nupela websait.

"Lonsim dispela websait em i mekim histori long edukesen dipatmen long PNG na em i bikpela samting long dispela taim planti gutpela samting i wok long kamap we mipela i laikim bai pablik long kantri na wol i lukim. Tu, ol pipel bilong yumi i laik save long planti samting na ol nupela rifom o senis long dipatmen na dispela internet websait bai helpim ol.



ICT TIM: Dispela em Infomesen na Komyunikesen tim we i bin hatwok long sanapim IT wok bilong nupela Edukesen websait.

"Dispela websait i givim maus long ol sumaitn long ol elementeri, praimer i na ol pos praimer i sekta. Em i gat infomesen bilong ol papamama, was papamama na ol tisa," Dokta Pagelio i tok.

Em i tok tu olsem dispela em i sans

long ol nesenel institusen bilong yumi olsem ol teknikel na bisnis kolis, praimer i tisa kolis na ol nesenel hai skul long prisanim pablik pes long ol taim i go pinis, nau na long taim i kam i go long ol sumatin, papamama, ol sponso, PNG bisnis komyuniti na

jenerel pablik.

Long helpim ol tisa na ol wok manmeri long edukesen long ol provinsel edukesen opis, ol i putim ol kontek infomesen long wanwan long ol. Pes bilong ol provinsel edukesen i luknais bikos ol i gat ol wan wan provinsel flek

long ol, Dokta Pagelio i tok.

Sampela ol narapela samting pipel i ken lukim long dispela websait em long edukesen kalenda bilong yia i gat long em olgeta toksave long ol wok bilong skul insait long wan wan yia na ol taim bilong skul tem malolo. Dispela em i bikpela samting long ol tisa i mas gat long em.

Dokta Pagelio i tok tu olsem ol narapela ripot bai stap long PDF fomet long websait em long ol eksen plen, ol stetistik buletin, na ol konprens ripot bilong ol sinia edukesen opisa.

Em i tok tu olsem wanpela gutpela samting tu long dispela websait em ol ripot long ol namba bilong nesenel skul sensus manmeri i ken painim taim ol i go long Google Earth aplikesen ol i kolim "Where is my school?" o westap skul bilong mi.

Taim Dokta Pagelio i autim tok tenkyu long ol Infomesen Teknoloji tim we Lusciol Motamota na Karl Turnbull i go pas long em long hatwok bilong ol na sanapim dispela websait, em i tok ol wok bai go het olgeta taim long websait. Na plen i stap olsem ol bai glasim, sekim na putim ol nupela infomesen 4-pela taim insait long wanpela yia. Dispela i min olsem wanpela taim insait long wanpela kwata.

Tsak komyuniti i gat nupela mobail klinik

Veronica Hatutasi i raitim

OL pipel bilong Tsak, Wapenamanda insait long Enga provins i gat sans nau long go long haus sik na kisim marasin bikos long helpim bilong bikpela mobail kampani long PNG em Dijisel.

Long las wik Fraide, helpim ol turangu lain han bilong Dijisel, em Dijisel Faundesen, i wokbung wantaim Foskwea Sios i bin opim namba tu Mobail klinik long nupela rurel haus sik long Tsak insait long Wapenamanda.

Dispela Mobail Klinik i gat Am-

balens Lenskrusa long em na i wok olsem wanpela helt klinik i gat olgeta samting insait long em. Na Foskwea sios medikel tim i wok long nupela Tsak rurel haus sik bai yusim long mekim ol helt autris program bilong ol long ol ples insait long ol rurel eria long Enga provins. Ol sevis we dispela mobail klinik bai givim em long helpim ol helt woka long givim fri sevis long ol eria olsem banis sut long ol pikinini, givim marasin long sik malaria, TB, tes long AIDS, tritmen na kaunseling, helt awenes na dokta bilong tit i ken lukim ol lain i gat sik long tit bilong ol.

Dijisel Faundesen i helpim dispela Mobail Klinik wantaim K150,000. Aninit long projek ya, Dijisel Faundesen i laik sapotim ol komyuniti i stap long ol ples longwe long Enfa provins long kisim ol besik sevis ol i laikim long strongim na developim ol komyuniti bilong ol.

Tsak Rurel Haus sik we Foskwea sios i papa long en i save lukautim samting olsem 40,000 pipel long eria. Samting olsem 1,500 pipel i save kisim marasin na lukim dokta long dispela haus sik insait long wanpela mun. Foapela komyuniti helt woklain i save wok long haus

sik. Ol dokta long provinsel haus sik long Enga na ol dokta long ovasis i save go na helpim long lukautim ol siklain long dispela haus sik.

Taim Dijisel Faundesen Siaman, Peter Aitsi i tok tenkyu i go long Foskwea sios long gutpela wok em i mekim long skruim sevis long ol rurel komyuniti, em i tok dispela em i namba tu Mobail Klinik Dijisel Faundesen i givim long sevim ol pipel insait long ol rurel komyuniti long kisim ol besik helt sevis bai stopim ol pikinini long kisim sik, helpim ol mama long karim na awenes i go long komyuni long bi-

hainim gutpela rot long haijin na lukautim ol yet.

Dijisel Faundesen i wok patna wantaim gavman, ol NGO, ol sios na praivet sekta bilong karimaut ol edukesen projek long sanapim ol klasrum samting na dispela bilong Famili Sapot. I kam inap nau, faundesen i givim mani long sanapim ol 34 Komyuniti Lening Senta, 5-pela skul projek long sanapim ol klasrum samting, tupela mobail klinik, wanpela Seif Meri haus long 2 Mail setelmen long Lae na Famili Sapot Senta long Maprik Distrik Haus sik, Is Sepik provins.

**Painimaut, save na kisim tritmen eli
i min yu bai stap laip longpela taim moa.
Kisim HIV TRITMEN eli!**

Go long VCT na Helt Senta klostu long yu long kisim moa toksave.

Nesenel AIDS Kaunsil Sekreteriet, PO Box 1345, Boroko, NCD Telepon 323 6161 Feks 323 1619





Jisas i winim olgeta traime bilong satan

TAIM Jisas i bin stap long dispela graun satan i bin taitim bun tru bilong bagarapim em. Em i traime olgeta rot, na em i yusim olgeta trik bilong trikim Jisas na pulim em long mekim sin. Satan i save olsem, taim Jisas i stap long bodi bilong dispela graun dispela bodi bilong Jisas i save hangre na pilim kainkain amamas na pen na olgeta samting yumi save pilim. Orait na satan i save dispela em i gutpela taim bilong pulim Jisas i bagarapim wok bilong God. Satan i traime tasol em i no inap, "Olgeta traime i save kamap long yumi, dispela olgeta i bin kamap pinis long em bilong traime em tu. Tasol em i no mekim sin" (Hi 4: 15). Jisas i winim olgeta traime bilong satan.

Jisas i win tru long diwai kros

God i bin makim Jisas long em bai dai (Ro 3: 25). Long Olpela Testamen, profet Aisaia i tok olsem, "Long asua bilong sin bilong yumi tasol em i bin kisim bagarap. Ol i bin paitim em nogut na skin bilong em i bruk nabaut, na long dispela pen em i karim i mekim yumi kamap orait gen, na yumi stap gut tru.

Ol i bin kalabusim em nating na bringim em i go long kot, na kot i tok em i mas i dai. Na ol i bin kilim em i dai. Na i nogat wampela man long lain bilong en i kisim save olsem, em i bin kisim ples bilong ol na em i karim ol dispela pen ol yet i mas karim, na em i dai bilong stretim rong bilong ol" (Ais 53:5, 8).

Jisas i save dispela tok i tok bilong em yet na long em i mas i dai long diwai kros. Tasol satan i wok long pulim Jisas bai em i ken bihainim narapela rot na i go long diwai kros.

Satan i laik kilim Jisas

Satan i save Jisas i pikinini bilong God na em i traime painim kain kain rot bilong kilim em i dai. Taim Jisas i stap pikinini yet Satan i kirapim Herot long kilim Jisas i dai. Tasol God i salim wampela ensel i kam bilong toksave long Josep i kisim Jisas na Maria i go long Isip.

Taim satan i traime Jisas em i tokim em long sanap antap long tempel na kalap i go daun. Dispela tempel em i antap tru inap olsem 100 mita. Satan bai i amamas tru sapos Jisas i bin kalap i go daun na kisim bagarap.

Taim Jisas i statim wok bilong em long autim gutnius em i stat long Nasaret. Tasol ol Nasaret i no bilip olsem Jisas em i pikinini bilong God. Ol i laik tromoi Jisas i go daun long wampela mauten bilong kilim em i dai, tasol Jisas i wokabout i go na ol i no i nap mekim wampela samting long em.

Long narapela taim Jisas i bin mekim planti wok autim tok na oraitim ol sikman. Bihain em i tait nogut tru na em i slip insait long bot. Bikipela si i kirap na dispela bot klostu i kapsait. Pita em wampela man bilong pulim pis na i save raun oltaim long dispela wara. Em i pret nogut tru na i singaut long Jisas, "Helpim mipela", na Jisas i kirap na krosim wara na win na tokim tupela long stap isi. Sampela i ting olsem long dispela taim satan i kirapim solwara na long dispela rot em i laik kilim Jisas. Tasol em i no inap.

Planti samting i kamap long pinisim laip bilong Jisas, tasol i no inap. Jon i tok olsem, "Ol i laik kalabusim em. Tasol taim bilong em i no yet, olsem na i nogat wampela man i putim han long em. Nogat" (Jo 7: 30). Satan i gat kain kain tingting na em i painim planti rot bilong bagarapim Jisas, tasol las tok i stap long God. God i bosim taim na laip bilong Jisas. Na God i bosim taim na laip bilong yumi tu.

Taim Jisas i go long diwai kros em i taim God yet i makim. Taim Jisas i mekim prea long (Jo 17: 1). Em i tok, "Papa nau taim i kamap pinis." Na bihain long prea Jisas i wokabout i go long gaden Getsemani.

Lukim moa neks taim...

Katolik pater givim namba tu sans long ol pikinini ...Dijisel amamasim ol

Veronica Hatutasi i raitim

WANPELA Katolik Sios pater i wok long traime helpim ol strit pikinini insait long Mosbi siti na givim ol hop o bilip bilong lukim bihain taim.

Pater John i Saplen na Gaidens tisa long Jubilee Katolik Sekonderi skul insait long Nesenel Kapitel Distrik (NCD) em dispela pater husat i gat bikipela lewa i kirapim wampela Non Gavman Ogenaisesen (NGO) ol i kolim long "WeCARE Foundation" i wok long lukautim samting olsem 500 pikinini insait long NCD.

Dispela em ol pikinini we papamama i dai, ol dispela long sampela kain hevi we papamama i no inap long lukautim na ol i raun nabaut long strit painim kaikai samting i stap. Na krismas bilong ol i stap namel long 4 na 15 yias, tasol liklik lain em ol krismas bilong ol i go antap liklik.

Long las wik Sarere, samting olsem 500 long ol dispela pikinini i bin gat gutpela taim bilong pilai, singsing na kaikai na kisim ol Krismas presen taim Dijisel Faundesen i bin wokim Krismas pati bilong ol long Botenikel Gaden. Namel long las wik na Disemba 20, Dijisel bai amamasim ol dispela kain pikinini long olgeta hap bilong PNG taim em i holim ol Krismas pati bung, pilai amamas, kisim ol presen na kaikai wantaim.

"Ol pikinini i amamas stret long dispela krismas pati bikos em i namba wan taim long planti bilong ol i amamas na bung kaikai, kisim ol presen. Planti

em ol i kam long ol setelmen na strit we ol papamama i dai, ol papamama i stap tasol ol i no moa inap long lukautim ol o tingim ol na ol i pilim olsem sosaiti i lusim tingting long ol.

"WeCARE Faundesen i laik kamapim visen o driman we sapos bilong mipela i ken mekim ol kain pikinini olsem i kamap ol gutpela manmeri bilong PNG," Pater John i tok.

Pater John i tok ol dispela pikinini i nogat papamama o ol papamama i no moa bisi long ol em ol i kam long ol setelmen insait long Mosbi. Long 500 pikinini WeCARE i lukautim long dispela yia, 200 em ol i skul i stap. i kam inap nau, ol dispela i stap long 12-pela grup we wampela meri ol i kolim ol "Carer" o lukauti mama i lukautim ol.

"Mipela i save givim fanding o mani na ol narapela samting long helpim lukautim ol dispela pikinini. Em i wok bilong komyuniti long lukautim ol pikinini na mipela. Mipela i no laik bai komyuniti i lusim tingting long wok bilong ol na olsem, mipela i givim wok i go long ol gutpela manmeri long lukautim ol pikinini. Mipela i givim mani samting long helpim ol. Wan wan man i ken lukautim namel long 14-15 pikinini. Na ol pikinini i kam long ol kain lotu, i no Katolik Sios tasol," Pater John i tok.

Faundesen i bin kirapim wok long 2007 na opis bilong ol i stap long Hohola Yut Developmen Senta hap.

"Mipela i painim ol gutpela Kristen meri i gat gutpela lewa long lukautim ol pikinini",

Pater John i tok.

Long wankain taim, Anna Ghibau bilong Hohola i wampela long ol "Carer" i lukautim moa long 40 pikinini namel long 4 na 28 yia i stap.

Misis Ghinau i tok ol pikinini em ol i bilong Hohola 1,2,3 na PNG Pawa kompaun. Em i tok long yia 2007, em i stat long lukautim ol pikinini wantaim nogat helpim tumas, tasol em i yusim liklik toea na kaikai em i gat long en.

"Liklik helpim mi save kisim em i kam long Hohola Yut Developmen Senta na Jubili. Bikos prais bilong ol kaikai samting i go antap, helpim mani mi save kisim i save sot. Tasol wantaim helpim bilong Bikman, ol samting i save ron gut," Anna i tok.

Em i tok ol pikinini i save go long haus tripela taim (Mande,

Tunde na Fonde) insait long wampela wik tasol haus i op long ol i kam wanem taim ol i laik waswas na kaikai. Long Sande bihain long lotu, ol i save go long haus long kaikai aiskrim. Long ol pikinini Anna i save lukautim, trupela em ol papamama i dai pinis long sik AIDS.

"Komyuniti i mas sapotim strong na kamap olsem mama-papa bilong dispela program. Sapos mi stop long mekim dispela wok, wanem samting bai kamap? Lewa bilong mi i stap wantaim ol pikinini," Anna i tok.

Em i tok olsem ol Kristen, yumi mas askim yumi yet olsem wanem wok misin bilong yumi.

Em i tok ol sosel hevi, turangu pasin o sot long samting em ol i stap wantaim yumi nau na yumi lukim ol kain samting olsem ol strit pikinini i kamap.

Tasol long las Sarere, moa long 500l pikinini long Mosbi we WeCARE i lukautim i bin gat gutpela taim tru

long Botenikel Gaden long pilai, kisim poto wantaim Fada Krismas, singsing danis, kaikai ol kaikai, ol prut, dring ol sof dring na aiskrim. Bas bilong Dijisel i bin kisim na lusim ol pikinini long ol wan wan hap ol i stap long em.

Sif Eksekutiv Opisa bilogn Dijisel John Mangos husat i memba bilong Dijisel Faundesen i tok Krismas pati bilong ol las Sarere em i stat long misin bilong Dijisel long mekim moa long 1,000 pikinini long PNG i amamas.

Dijisel bai raun na givim Krismas pati na tu, ol presen i go long ol meri na man pikinini man i stap insait long olgeta hap long kantri.



KISIM KAIKAI: Wampela long ol yangpela pikinini meri i sanap long lain na kisim ol kaikai samting.
Foto: Veronica Hatutasi

Michael Namba i kamap pater pinis

(Pater Vicktor Roche i raitim long Inglis na Pater Paul Liwun i tanim long tok Pisin)

LONG Fonde Desemba 3,2009, wampela man Westen Hailans Provins em Michael Namba, i bin kisim ordo long kamap pater insait long Katolik Sios. Lotu i bin kamap naispela tru long Kumdi peris insait long Asdaiosis bilong Hagen. Asbisop bilong Hagen, Douglas Young SVD i bin go pas long lotu na givim sakramen bilong ordo long Michael. 38 pater i bin stap long lotu long prea na sapotim Michael. Planti manmeri tumas bilong Kumdi na narapela peris insait long Western Hailans i bung na

inap kisim olgeta, olsem na planti i stap long ausait na bihainim lotu.

Bihain long ridim gutnius, Papa Mama bilong Michael tru i bin bringim em i go na givim long Pater Joe Roszynski SVD, ekting Provinsal bilong SVD long PNG, na bihain em i givim long Asbisop long givim sakramen ordo long em.

Long toktok bilong em bihain long lotu, em i bin tok tenkyu long papa mama bilong em husat i bin helpim na lukautim bilip bilong em inap long em i kamap pater nau. Em i tu mekim tok kliia long papa mama na lain bilong em olsem; "Mi em i wampela woknating man bilong God na namba wan wok bai mi mekim em long

God. Mi no wok mani. Olsem na yupela i noken ting olsem bai mi givim mani long yupela. Em i bai nogat"

Bihain long toktok bilong em, Fr Joe Roszynski SVD i mekim tok save olsem Pater Michael i kisim wok misinari insait long PNG na em i bai go mekim wok misin bilong em long Wewak Daiosis. Michael em i namba 5 Pater bilong lain Religious insait long Hagen Asdaiosis na namba 12 SVD pater bilong PNG.

Mama i karim em long Papena, as ples bilong em long yia 1974. Taim em i pinisim skul bilong Filosofi long CTI Bomana, em i joinim lain SVD long yia 2003, na bihainim Novisiat program bilong SVD

pinis kantri. Long yia 2004, em i bin wokim namba wan promis bilong em stap olsem memba bilong SVD, na bihain em i kam bek na stadi Tioloji long CTI Bomana.

Bihain long wampela yia em i stadi Tioloji long Bomana, em i raitim pas na askim supiria bilong SVD long larim em i go bek na stadi Tiolojo long Tagaytay Seminary long Philip-pines. Olsem na long yia 2006 em i stadi long Tagaytay inap long pinis long yia 2008, em i mekim fainol promis bilong em na kisim ordinesen long kamap Diken.

Na long de namba 3 bilong mun Desemba 2009, em i kisim ordo long kamap Pater

Patitaim bilong ol Pikinini



OPIM PRESEN: Liklik Tyler i laik lukim stret ol presen long namba tu bonde selebresen bilong em taim bubu “Mama N’Driol i opim presen i stap.



TAIM BILONG KAIKAI: Mama Anna Ghinau i skelim ol plet kaikai i go long ol pikinini long Krismas pati mobail kampani, Dijisel Faundesen i wokim bilong moa long 500 pikinini i nogat papamama na ol strit pikinini long Mosbi. Ol bin mekim dispela pati long Yunivesiti Botenikel Gaden las wik Sarere.



AMAMAS, DANIS NA SINGSING: Ol lain pikinini i putim kamap wanpela eksen lotu singsing insait long Dijisel Faundesen Krismas Pati i putim kamap bilong ol pikinini we NGO grup,” We Care” i save lukautim ol.



WETIM FADA KRISMAS: Amamas sindaun i stap wetim Fada Krismas i kam long wanwan pikinini i kisim poto wantaim em na tu, kisim presen long em. Long dispela Dijisel Faundesen Krismas Pati, i bin gat tupela Fada Krismas.

Ol Poto: Veronica Hatutasi

Marinda i gat ministri long helpim ol turangu

Veronica Hatutasi i raitim

EM i gat bikpela lewa long ol turangu, ol lain i sot long samting na ol mama.

Em i save yusim save long mekim ol samting long salim na mekim mani long karimaut ol wok ministri bilong helpim ol turangu.

Dispela bikpela meri wantaim bikpela lewai i save gat sori na helpim pasin em, Mada Marinda Guka.

Marinda bilong Oro Provins em i wanpela strongpela memba bilong Angliken Sios. Em i memba bilong Angliken Madas Yunien na tu, nupela grup ol i kolim long Creators of Peace o lain i kamapim wanbel pasin.

Olpela nem bilong Creators of Peace sampela inap save long en em “Moral re-Armament”.

Man bilong Marinda em Pater Danny Guka, husat i lukautim Sen Martin’s Angliken Sios long Boroko, NCD. Pastaim em i bin lukautim Sen John’s Angliken katitrel long taun long planti yia inap long las yia em i senis na go stap long Sen Martins Boroko.

Marinda i bin kirapim dispela ministri bilong helpim ol turangu 15 krismas i go pinis. Na em i wok isi isi tasol i kam inap nau.

Ritim stori Wantok i kisim taim em i stori wantaim Mada Marinda. “Mi save pilim amamas long helpim ol narapela. Long laip bilong mi, mi laik bihainim Tok bilong Bikpela na larim Tok bilong Bikpela i stiaim laip bilong mi. I gat ol kain kain samting ol turangu i laikim.

“Mi no inap long rausim o tanim baksait long ol turangu na long ol lain i sot long samting. Tru, olsem ol Kristen, yumi i mas balensim kaikai bilong sol wantaim kaikai bilong bodi. Olsem na mi mas blesim ol wantaim kaikai bilong bodi, klos na mani,” Marinda i tok.

Sapos i gat sampela lain i ritim dispela stori, Marinda i laikim mani helpim long sapotim ministri bilong em long helpim na givim kaikai i go long ol turangu. Na long ol lain long haus sik we em i save givim kaikai na klos long ol.

Long wankain taim tu, em i no wetim helpim mani long kam long en, nogat. Em yet i wokim ol samting na salim na tu, wokim fan resing long kisim mani bilong baim ol samting.

“Mi yusim save mi gat long mekim ol samting na salim, kisim mani long sapotim ministri i helpim ol narapela turangu na sot long samting. Long 15 yia mi mekim dispela wok, mi lukim olsem i gat ol kain pipel i laikim ol kain helpim olsem sit long kaikai mipela i save givim ol kaikai, ol lain i laikim mani helpim ol siklain na ol dispela i sot long klos. Mi nogat hap long kisim mani bilong sapotim wok long helpim ol turangu. Mi no inap rausim



BIKPELA LEWA: Marinda Guka i putim wanpela naispela meri klos dres em yet i somapim i gat tapa disain em yet i printim. Poto: Veronica Hatutasi

ol i go tasol mi mas blesim ol wantaim kaikai, klos na mani,” Marinda i tok.

Em i tingting planti na askim wanem samting em i ken mekim long helpim ol narapela. Olsem na em i somapim ol meri klos, ol klos bilong ol man na meri, ol nektai, printing ol tapa disain klos, laplap, tebol klos na moa na salim long kisim mani long sapotim wok ministri bilong em.” Marinda i tok.

Long dispela yia, Ista, Marinda na lain bilong em i bin givim kaikai na klos samting i go long 300 sik man-meri long Wod 4A na B long Pot Mosbi Jenerel Haus sik. Dispela em ol Wod ol lain i gat sik AIDS i stap long en.

Insait long wok ministri bilong em, i gat program long lukautim ol Solomon Ailan sumatin i skul long PNG Yunivesiti long Waigani na Taurama. Wan wan famili i kisim wanpela sumatin long lukautim inap em i pinisim skul. Na long taim bilong skul yia, ol sumatin i save go na kam long haus bilong ol was papamama. Taim ol i sot long mani, kaikai na wanem samting moa, ol was papamama i save helpim ol.

“Taim ol sumatin i laik go long Krismas malolo, mipela i save baim ol klos na ol narapela presen ol i pulumapim tupela tripela bek na ol i karim i go long Solomon Ailan bilong serim wantaim ol famili na hauslain,” Marinda i tok.

Long sait bilong ol mama, Maringa i save helpim ol mama i gat save long mekim sampela kain wok long mekim samting na ol i ken skruim wok bilong ol long helpim kamapim gut laip bilong ol na ol

famili, komyuniti na sosaiti.

“Ol mama i ken mekim samting, tasol yumi mas sapotim ol. Mipela i bin sindaun long wanpela Pesekel Vaiabiliti woksop long 1990 na em i helpim gut tru, Mi kisim ol sampela meri tu na ol i sindaun na dispela i helpim ol. Nau mi putim askim i go long peris bilong kisim nem bilong ol mama i gat laik long sindaun long wanpela Pesenel Vaiabiliti kos insait long tupela wik. Mi laikim namel long 25 na 30 nem i sindaun long woksop,” Marinda i tok.

Wanpela toksave Marinda i laik putim i go long pablik em, i gat sevis senta long Sen Martins Angliken peris we ol Non Gavman Ogenaisesen (NGO) na ol sios i ken haiarim long karimaut ol woksop, trening na greduesen long en. Em na grup bilong em i save wokim tu ketaring o redim kaikai i go long husat i putim oda o askim long ol.

“Visin o driman bilong mi em long skruim i go moa wok long helpim ol turangu na ol lain i sot long ol samting. Olsem na mi laik opim wanpela gif stoa long helpim kisim mani na sapotim wok ministri bilong mi. Nai mi salim ol samting long hangamapim long wol, ol skaf tu na ol arapela moa.

“Long wankain taim, mi laik promotim o apim kalsa we long tude, i bikpela samting long holim pas. Mi lukim olsem yumi mas apim nesenel klos bilong yumi,” Marinda i tok.

Em i tok nau em i helpim ol meri long ol setelmen husat planti bilong ol i save ting olsem ol i no inap wokim samting. Mi skulim ol long beikim o mekim keik, wokim gaden long baksait bilong haus,” Marinda i tok.



KISIM STORI: Ol niusmanmeri bilong olgeta hap kantri long wol i resis long kisim stori bilong wanpela lida bilong wanpela Non Gavman Ogenaisesen long bikpela intansenel kibung long glasim hevi bilong klaimet senis long Copenhagen long kantri Denmak dispela wik. PNG i stap insait long dispela kibung tu. (Poto i kam long AAP Images)

Ol Pasifik kantri mas autim tingting long klaimet senis

WANPELA indipenden ejensi i tok ol Pasifik Ailan kantri husat i bungim hevi long solwara i karamapim ples bilong ol i mas autim wari na tingting bilong ol long Klaimet Senis.

Bikpela namba long pipel bilong ol bai lusim ol ples o kantri bilong go sindaun long narapela ples. Taim klaimet senis konprens bai kamap long Copenhagen nau, Pasifik Institiut ov Pablik Polisi i tok kain hevi olsem long mak bilong solwara i wok long go antap moa.

Tu, wari i wok long kisim graun long ol nambis ples bilong ol ailan na bikpela kamap hevi kamap long ol lain manmeri long ol ailan, em ol samting i wok long mekim sampela ol komyuniti long go sindaun long ol narapela hap.

Long wanpela brifing pepa, dispela indipenden institiut i tok klaimet senis i wanpela hevi em bai nogut taim em i kamap long rijen na olsem ol i mas diklerim wanpela stet ov imejensi long en.

Pepa i soim olsem ol liklik ailan o atol stets olsem Kiribati, Marshall Ailans Tuvalu em ol i stap i no longwe tumas antap long mak o solwara level na em bai nogat pipel moa i stap long ol pastaim long 2060.

Institiut i singaut i go long husat pipel i stap long Copenhagen konprens long tingim tu hevi na bagarap em ol turangu kantri i bungim, long tok tok bilong ol long hevi bilong envaironmen.

Wari long seif wara saplai long ol kem long Samoa

Komonwel gavman i mobeta long mekim bikpela wok moa

WANPELA man Australia i stap laip bihain long sunami i bin kamap long Samoa, i autim wari long seif wara saplai long ol kem we planti ol pipel i bin laip long sunami i wok long stap long en nau.

Niusman bilong Redio Australia long Pasifik, Campbell Cooney i ripot olsem dispela sunami em i bin kamap long mun Septemba, i bin kilim samting olsem tripela ten pipel long Saleapanga vilis.

Plantu tru long ol pipel i bin dai em ol pikinini.

Pipel long dispela viles nau i wokim nupela vilis antap long sait bilong maunten, we olpela vilis bilong ol ibin stap daunbilo.

Dispela man Australia, Danny Robes, nau i stap gut long ples.

Em i tok tru ol i lukim helpim na wok bilong helpim ol i gutpela long sindaun bilong ol, ol i wok long painim i hat tumas long Samoa gavman i harim toktok bilong ol long givim ol wara tang bilong wara bilong dring, waswas na kuk.

Sunami i bin bagarapim olgeta turis bisnis long nambis na ol pipel i laip yet bihain long sunami i tok long lusim bisnis em ol i save kisim mani long en i pasim ol long statim gen wok long sindaun na long laip.

AUSTRALIA Oposisen Lida Tony Abbott i tok gavman i wok long go raun long wol long stap long ol miting na kain olsem long klaimet sens, na em i no wari tumas long pipel bilong Australia.

Tores Strait Rijinel Atoriti i tok sikspela Australia ailan em ol i stap namel long Cape York na Papua Niugini solwara inap go daun.

Em i tok inap sampela taim em i wok long askim long mani tasol gavman i no harim askim long salim mani long wok bilong stopim wara long pulim graun.

Em i tok long wankain taim, gavman i wok long tok promis long ol Saut Pasifik kantri long givim ol 150 milian dola.

Mista Abbott i tok Komonwel Gavman i mobeta long em i mekim bikpela wok moa long helpim long ples o long Australia.

Ol Pasifik kantri laikim gutpela samting i kamap long konprens

OL Pasifik kantri bai askim ol wol lida long kamapim gutpela samting long dispela klaimet miting long Copenhagen.

Man i makim Palau long Yunaitet Nesens, Stuard Beck, i tok ol Pasifik kantri bai wanpela grup em bai gat strongpela nek tru long ol tok tok long dispela klaimet senis konprens dispela wik long Copenhagen.

Stuart Beck i tok planti Pasifik lida bai stap long dispela UN konprens, na sanap bung bilong ol bai strong bikos ol i putim ol tu insait long grup ol i kolim Alliance of Small Island States.

Dispela alaiens i karamapim ol kantri em ol i sindaun klostu long solwara long Indian Osen na long Karibien (Caribbean).

Mista Beck i tok dispela 47 kantri i gat strongpela toktok bilong mekim, em bai ol i bringim i go long konprens, maski planti i ting nogat wanpela agrimen em olgeta kantri i mas bihainim, bai kamap.

Copenhagen i lukautim 15 tausen pipel long konprens

COPENHAGEN, kapitel siti bilong Denmak, i lukautim 15,000 pipel i kam long 192 kantri husat i stap long namba wan bikpela klaimet miting tru bilong kamap long histori bilong wol.

Ol pipel i save kempen long ol kantri i mas mekim samting bilong pasim ol hevi bilong klaimet senis, i tok ol politisen i gat tupela wik long Copenhagen bilong sevim planet – o dispela graun bai noken bagarap long klaimet senis.

Dispela miting bai pinis wantaim wanpela miting bilong 105 wol lida. Samting ol i laik kamapim long miting em long wanbel long we bilong daunim mak bilong ol ges nogut i kam long kol na wel, o grinhaus ges emisin na apim planti bilian dola bilong helpim ol lain turangu na kamapim sampela klin wei bilong mekim pawa o klin teknoliji.

Bikpela bilip i kamap olsem dispela bung bilong ol wol lida na planti toktok helpim aidia long daunim mak bilong ol ges nogut, bai kamapim wanpela strongpela agrimen liklik, long wanem long dispela tupela yia i go pinis, ol agrimen i no save strong tumas na planti kantri i no bihainim ol tru.

Bikpela bilip i kamap long strongpela agrimen bai kamap bikos ol kantri olsem Saina, Yunaitet Stets, Rasia na India, em ol i save kamapim bikpela ges nogut tru long wol, i wok long mekim sampela toktok tu em i soim olsem, ol i wanbel liklik wantaim ol narapela long hevi bilong klaimet senis.

Ol wol lida i no bin kamap taim ol envaironmen minista i bin wanbel long 1997 long wanpela agrimen bilong UN em wol i gat nau ol i kolim Kyoto Protokol.

Samting olsem 56 niuspepa i kam long 45 kantri, i bung long raitim wanpela editorial o toktok em askim strong ol wol lida long kamap wantaim wanpela tingting na maski long mauswara tasol.

Dispela toktok bilong ol niuspepa i tok, pipel bilong dispela wol nau i kamap long taim we ol wol lida i mas mekim samting kwik bikos sapot nogat, klaimet senis bai bagarapim tru dispela graun.

Australia Klaimet Sens Minista sutim tok long oposisen mausman

AUSTRALIA Klaimet Senis Minista Penny Wong i sutim tok long mausman bilong oposisen long klaimet sens, Greg Hunt long tok olsem Kolisen i no laik lukim wanpela emisins treading skim i kamap i go inap long fopela yia.

Mista Hunt i tok bai Kolisen i noken

sapotim wanpela ETS sapos Amerika i no kamap wantaim wanpela bilong em yet. Long wokabaut bilong em i go long dispela klaimet konpres long Copenhagen, Mis Wong i tok kolisen i wok long traim long noken mekim wanpela samting long klaimet senis.

Bai ileksen long Nu Kaledonia sapotim indipendens muvmen

PIPEL bilong Loyalti Ailans provins long Nu Kaledonia i bin givim strongpela vout sapotim ol pati i save laikim indipendens.

Oceania Flash i tok yangpela Leba Pat i bin winim bikipela vout na daunim liklik ol narapela grup insait long pro-indipendens muvmen bilong dispela Frens Pasifik teritori.

Kandim bilong ol vout bihainim bai ileksen long Sande i soim olsem long 14

sia insait long provinsel asembli, grup bilong bipo bipo yet, Union-Cal donienne-FLNKS alaiens i bin holim yet klostu olgeta sia bilong en.

Pipel i bin voutim sikspela memba olgeta bilong ol.

Dispela ileksen i namba tu dispela yia long Loyalti Ailans provins, bihain long Frens Kaunsel bilong Stet long Paris i bin tokaut olsem, ileksen long mun Me i no bin gutpela.

Vanuatu PM holim sia bilong em yet

KOT bilong Vanuatu i larim Praim Minista Edward Natapei long holim yet sit bilong em, maski wanpela trabel i bin kamap long palamen em klostu i rausim em long pawa.

Ol opisal i tok, wanpela Suprim Kot Sif Jastis, Vincent Lunabek, i bin rausim tingting bilong Spika

long rausim Mista Natapei long sia bilong em, bikos em i no bin kam long palamen miting tripela taim na i no raitim toksave long as bilong em i no kamap.

Opis bilong Mista Natapei i tok em i kisim bek sia bilong em long palamen.

Em i bin kirap na i no go bek gen

long Commonwealth Heads ov Gavman miting long Trinidad na Tobago las wik bihain long Palamen Spika i tok sia bilong em nau i nogat man i holim, o i nogat wanpela memba moa, na dispela i bin kamapim liklik trabel long politiks long Vanuatu.

Guam i sapotim ol Maikronesia lida i go long Copenhagen

OPIS bilong Guam Gavana i tok em i sanap strong long sapotim tingting em ol lida bilong Maikronesia bai bringim long Copenhagen.

Sapot bilong em i strong moa winim sapot bilong Yunaitet Stets, kantri em i lukautim Guam.

Shawn Gumataotao, mausman bilong Guam Gavana, i tok

Felixk Comacho bai noken go long Copenhagen tasol em i givim strongpela sapot long ol lida bilong Maikronesia husat bai go.



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia

101.9FM

Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)



DEPARTMENT OF LABOUR AND INDUSTRIAL RELATIONS

PABLIK NOTIS

Toksave i go long jeneral pablik olsem ol opis bilong ol Divisen ov Foren Emploimen na Nesenel Emploimen bai pas stat long 24 Desemba i go 3 Janueri 2010. Ol bisnis bai op gen long Mande 4 Janueri 2010.

Plis luksave gut long ol dispela deit:

Trinde 16 Desemba 2009 – Deit long stop long wokim olgeta Nupela na ol Rinual Wok Permit Aplikesen.

Tunde 22 Desemba 2009 – Kaunta Sevis bai op long Kisim Tasol ol Wok Permit

Trinde 23 Desemba 2009 – Kaunta Sevis bai Op long Kisim Tasol ol Wok Permit

Meri Krismas na Amamasim Dispela Gutpela Taim.

Tok Orait i kam long



DAVID K.G. TIBU, LLB

Ekting Seketeri

WANTOK

KOMENTRI

LNG projek i orait pinis na kantri bai orait nau?

EM nau, dispela bikipela projek we olgeta memba, minista, papagraun, pik, dok, mumut, na husat moa i wok wetim i kisim tok orait pinis.

Nau bai yumi lukluk long wokabaut bilong kirapim, sanapim, na yusim long skelim gut ges bilong graun bilong yumi i go aut, na winmani i kam insait long kantri.

Bikipela amamas tru i mas kamap namel long ol minista bilong gavman bihain long dispela tok orait.

Tasol dispela em i no min olsem bai yumi lukim pipia bilong winmani bai kamap tumora tasol, nogat.

Praim Minista Gren Sif Se Michael Somare i givim liklik tok lukaut pinis olsem long ol namba wan hap wok bilong kirapim dispela projek, bai gat bikipela mani tru bai go aut long kantri.

Bai yumi mas tromoi mani long wanem planti long ol wok na save bilong mekim ol dispela wok bilong sanapim olgeta hap masin samting bilong projek, em yumi PNG i nogat inap savemanmeri long mekim.

Olsem na bai yumi mas baim dispela save long ol arapela kantri.

Ating mak bilong winmani yumi bai kisim long dispela projek em i bikipela tru na yumi no wari tumas long mani yumi bai tromoi long kisim ol savemanmeri bilong ol arapela kantri long kam na helpim mipela mekim wok.

Tasol olsem wanem sapos wangepela bikipela hevi tru i kamap gen insait long kantri? Sapos wangepela bikipela hevi long ol bikipela kantri long wol i kamap gen, bai yumi orait yet wantaim dispela projek?

Bikipela hap mani gavman i skelim insait long 2010 baset o mani plen bilong en i sindaun antap long dispela projek.

Em nau bai yumi mas lukluk gut long wanem ol hap gavman bai suvim ol winmani long en, na husat tru bai holim ki bilong ol dispela akaun.

Tru tumas, i gat tupela bikipela akaun gavman i tok long opim bai ol i ken bungim gut ol winmani i kam aut long dispela projek.

Namba wan em wangepela akaun ol i kolim Sovren Akaun. Dispela akaun, ol i tok bai ol i bungim olgeta winmani na bai ol i yusim dispela bilong stretim ol rot, bris, haus sik na ol arapela wankain samting i mas stap long givim servis long pipel.

Namba tu akaun, em ol i kolim wangepela stebelaisesen fan. Dispela akaun, em sampela winmani bilong LNG projek bai stap insait long en, na sapos gavman i sot long bihainim gut mani plen bilong en, bai ol i yusim dispela winmani long stretim.

I gupela olsem gavman i amamas na i tokaut olsem projek bai go het, tasol husat tru bai holim ki bilong dispela tupela akaun, na hamas man i mas putim hanmak bilong ol long ol dispela akaun long opim na rausim mani long en?

Long taim bilong kirap long kain ol bikipela projek olsem, toktok i save swit, na olgeta samting i save sain gut tru olsem i nogat wangepela asua long en.

Tasol bikipela taim bilong traim, em taim winmani i stat long kam insait na pulapim dispela tupela akaun. Bai yumi lukluk.



Planti asua tumas wok long kamap ...nogat man kisim sas yet

PLANTI kainkain ripot bilong ol wok hait na paulim samting na mani na ol kainkain we yumi save kolim korapsen i wok long kamap yet tasol yumi no save wanem taim bai polis i holim na sasim ol lain na Kot ken mekimsave long ol.

Yumi harim na ritim ol nupela ripot olsem memba bilong Vani-mo Grin na Minista bilong Fores Mista Belden Nama bin stap insait long wangepela bisnis bilong baim haus long Samoa.

Wankain tu memba bilong Angoram na Minista bilong Stet Entaprais Arthur Somare i laik baim wangepela haus bilong famili bilong em long Kens Australia. Tasol tupela wantaim i strongim sait bilong tupela olsem i nogat samting i asua long wanem samting tupela mekim.

Yumi no save bai Polis Fraud Skwat o Ombudsmen Komisnin i sekim dispela o nogat?

Planti arapela ripot bilong paul na stil pasin bin kamap pinis olsem long ripot bilong Julian Moti we em stap nau long kot long Australia long sampela asua bilong em yet long Vanuatu na Australia. Tasol long PNG, em bin hait na kalap long balus bilong



PNG Difens Fos. Olsem na husat tru bin oraitim dispela ronawe bilong em long nait. Ripot kamap pinis tasol dispela ripot bai kotim husat?

Yumi harim na ritim nius bilong bikipela mani bilong PNG long ol diwai bisnis bin slip long wangepela pasbuk long Singapo. Husat tru opim dispela pasbuk na putim dispela mani go long dispela pasbuk. Em planti milien kina tru na winmani go long we o go long husat? Polis wantaim Ombudsmen Komisnin bai sekim dispela na holim pasim sampela lain tu o nogat?

Sampela bikman na savelain bilong PNG bin kisim sampela hait mani long Taiwan long stretim rot bilong ol long kisim luk-save bilong Papua Niugini olsem wangepela intanesenel pren bilong em long oraitim na larim ol kainkain wok bisnis na tred o arapela wok poroman long kamap.

Tasol Taiwan em stap aninit long nem bilong Saina olsem wan Saina polisi.

Kot long Taiwan mekimsave stap long ol lida bilong Taiwan long dispela dil long hait pasin we moa long 30 milien US dola em skelim na tilim go kam. Olsem wanem long ol dispela PNG bikman husat bin stap insait long dispela dil na kisim ol dispela mani?

Nau tasol yumi harim olsem wok painimaut bilong Fainens Dipatmen i pinis na kainkain bikman na savelain bin sanap long dispela wok painimaut we ripot bilong em i pinis. Olsem wanem, bai sampela lain we Fainens ripot ya i kamautim ol bai kisim mekim-save o nogat?

Planti wok painimaut na ripot kamap pinis long ol dispela hait pasin na ol bisnis dil yumi toktok long en tasol bikipela askim em bai wanem samting kamap bihain long dispela?

Dispela kain pasin em soim olsem bai yumi wok long karamapim ol giaman na hait pasin bilong yumi stap yet na moa yet bai kainkain giaman na hait bisnis pasin na stil pasin bai kamap yet bikos nogat samting

bai kamap long kotim na sasim wangepela man.

I luk olsem ol lain save mekim kain hait na giaman pasin olsem em ol bikipela lain husat i save gut long ol yet. Olsem na pasin bilong banisim ol yet i save strong tru na olsem nogat man bai kotim ol o kalabusim ol isi tru.

Ating wangepela rot tasol long kamautim ol kain asua na korapsen insait long kantri em long taim nupela Gavman i kamap na kisim ples. Ol bai traim long digim na kamautim olgeta pekato bilong bipo we i stap na sasim ol pekato lain. Tasol bikipela prêt gen em olsem, taim ol sasim ol pekato lain pinis, ol bai tok, orait nau em taim bilong yumi gen. Ol lain ya wokim bipo pinis na nau em taim bilong yumi. Dispela kain politiks na menesmen bilong Papua Niugini em bipo yet i kam na bai stap yet inap trupela lida wantaim klinpela tingting na bel i kamap na ranim kantri bilong yumi long wangepela taim.

Yumi prea olsem Papa God bai kamapim wangepela trupela lida long bihain taim.

WANTOK

Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wangepela ya
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Kiona

Editor
Neville Chor

Published at
Section 55, Alotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general term acceptance are available at Word Publishing Company Ltd and are set out full on the display advertising form.



Intanesinol De

Toktok bilong Siaman



LONG dispela taim we yumi join wantaim ol narapela kantri insait long wol long amamasim Intanesinol De bilong ol Pikinini (International Children's Day), long makim Nesinol Juvenail Jastis Komiti (NJJS), mipela i amamas long bringim aweanes na

ol gutpela ol toktok igo long ol pikinini na pipel bilong PNG.

Tude i no makim wanpela gutpela wok kamap Gavman bilong PNG i mekim long luksave olsem ol pikinini bilong yumi i amamas na stap seif taim ol i liklik. Em i taim bilong luksave long ol salens nau i stap em ol turangu

pikinini i bungim insait long ol komyuniti bilong yumi.

Yumi mekim wanem samting tru olsem ol femili long luksave olsem ol yangpela pipel bilong yumi husat i mekim ol raskol pasin na ol pasin nogut i mass ant sans long stap insait long wanpela gutpela laip, bihainim lo na i



gats sans long helpim dispela kantri? Yumi mekim 2010 wanpela yia we algeta ol pikinini

LUKLUK igo insait long Juvenail Jastis Rifoms

Benny Metio, MBE Nesinol Juvenail Jastis Komiti

Moa long 60% long ol pipel insait long PNG em ol pikinini. Yumi save olsem ol pikinini long PNG em ol manmeri bilong bihain taim olsem na yumi mas lukautim gutpela sindaun bilong ol. PNG i mekim promis igo long

wol long 1993 taim Gavman bilong yumi i sainim pepa long Konvensin long Raits bilong Pikinini (Convention on the Rights of the Child (UNCRC) we i soim ol lo na gaidlain long wanem ol samting long mekim long lukau-

tim ol pikinini. Insait long wol i gat bilip olsem ol pikinini bai gro bikpela wantaim na save long lo taim femili na komyuniti i luksave long ol pasin bilong ol taim ol i liklik yet. Dipatmen ov Jastis na Atoni Jenerol, Juvenail Kot

Sevis na NJJC i redi long goaut long helpim ol turangu pikinini insait long komyuniti.

Stat long pastaim inap nau, planti ol wok mipela i mekim em wantaim ol yangpela pipel husat i bungim hevi wantaim lo. Dispela ol yangpela pipel em krismas bilong ol i stap namel long 7 na 18. Mipela i gat Juvenail Kot Ekt (1991) we i helpim long soim ol lo na rot long bihainim long helpim ol yangpela pipel husat i brukim lo.

Ol pipel insait long olgeta hap long wol i wok long go pas long kamapim ol senis long lo, long luksave olsem ol pikinini i mas gat gutpela lukautim, planti em dispela ol lain husat polis i holim pas na putim insait long kalabus. Dispela ol rifom em long mekim isi na kwik long ol yangpela pipel long muv insait long kriminol jastis sistem taim ol pepa wok i kamap long polis sel,

na bihain muv igo long kot, na long sampela em tai mol i go long haus-kalabus. Bikpela as tingting bilong dispela rifom em long luksave na holim-pas Melanesian pasin, restoretiv jastis lo na bungim ol lo we i ken helpim ol pikinini na i ken mekim ol i senisim pasin. Dispela i min olsem planti Gavman na non-gavman patnas i mas wok bung-wantaim long kisim moa juvenail jastik wok plen igo bikpela long ol provins.

Nesinol Juvenail Jastis Komiti bai i mekim wok bilong en igo bikpela long 2010 long helpim ol pikinini na ol yangpela pipel husat i stap pinis long dispela hevi pastaim na ol lain huast i bungim o lukim hevi long sait bilong pasin nogut i kamap long ol. Dispela komiti bai gohet long bringim aut edukesin na aweanes igo long husat i bungim pinis dispela hevi.



Bilong ol Pikinini

DAIVESIN

bilong PNG i kisim sans long gro na lainim ol samting we em i fri long ol bagarap na raits bilong ol i stap gut olgeta taim.

DAIVESIN em wanpela bikpela rot ol i kamapim long helpim ol sampela pipel long muv igo aut long fomal jastis sistem na igo bek long laip bilong ol. Dispela bai lukim polis na kot long yusim wanpela proses o rot long helpim ol yangpela long luksave olsem wanem samting ol i mekim em i rong na wanem bagarap ol i kamapim tu long arapela. Dispela yangpela man/meri i bai ol i muvim igo aut long han bilong polis o kot na igo long lukaut bilong femili na komyuniti long mekim em i ken senisim ol pasin bilong em.



OL BIKPELA WOK KAMAP

OLSEM hap bilong dispela rifom sistem, wanpela komiti i kamap wantaim Nesinol Juvenail Jastis Sistem (NJJJC) long 2003 long muvim ol rifom program insait long ol wan wan ejensi na long lukim long kamapim na glasim ol sekta polisi na lo long juvenail jastis. Ol gutpela wok kamap long Juvenail Jastis em:

12-pela Juvenail Kot ol i bin launsim insait long kantri we wanpela bilong ol i bin kamap

ino long taim igo pinis long 26th Februari 2009

13-pela Provinsal Juvenail Jastis Wok Grup (PJJWG) i bin kamap. Dispela wok grup i wok long lukim gohet bilong ol JJ rifom long provinsal level long wanem nid bilong ol wan wan provins. Ol aweanes wok i bin kamap long provinsal level we Provinsal Juvenail Jastis Wok Grup i lukluk long ol dispela wok.

Planti ol wok raun i bin kamp long long rimand na ditensin

senta we i lukautim ol juvenail o yangpela man em gavman i givim tok orait long en. Long 2008 i bin lukim 30-pela lukluk raun na Jastis ripot i bin kamap.

Pablik Solisitas Ofis i mekim wok long kamapim ol Ligol Eid na Juvenail Jastis ofis wantaim tingting long givim pablik na tu ol pikinini husat i brukim lo sans long kisim edvais long sait bilong lo.

Long taim dispela rifom i bin kamap, wok bilong NJJC na moa long en Royal Polis Konstabulari i lukim kamap bilong 3-pela risepsin senta (ples bilong kisim ol pikinini husat i brukim lo) i kamap long Lae, Goroka na Mosbi.

Ol wan wan sekta ejensi i kamapim ol polisi gaidlain long givim ol gutpela skul long lo long sait bilong juvenail jastis.

Mejistreit Protokol – Dispela em wanpela buk em ol mejistreit i yusim long Mejisterial Sevises long strongim dispela rifom proses

Polis Juvenail Jastis Protokols – Dispea em juvenail jastis polisi long helpim ol Polis ofisa long wok wantaim ol pikinini o juvenail.

Nesinol Juvenail Jastis Polisi – Dispela em wanpela jenerol polisi gaidlain bilong olgeta sekta ejensi long rifom istem bilong juvenail jastis na i promotim restoretiv jastis na Melanesian Kalsarel wok bilong stretim ol hevi o asua.



POEM

Wokabaut isi liklik Papa, wanpela liklik pikinini i tok, mi bihainim lek-mak bilong yu. Na mi les long pundaun.

Sampela taim lek-mak bilong yu em i hariap tumas, Sampela taim ol i hat tru long lukim. Olsem na, wokabaut isi liklik papa. Bikos yu go pas long mi.

Sampela de taim mi gro bikpela, Mi laik kamap olsem yu. Na mi bai gat wanpela liklik pikinini husat laik bihainim.

Skul Piknini, husat i gat 12-pela krimas



Sape Metta i lukluk long wanpela hatwok man husat i wok olsem tisa long taim em i pinisim skul bilong em long Pot Mosbi tisa Koles. Robert Reupana bilong Suave long Simbu province i ritaia bihain long 42 yias wantaim Edukesen Dipatmen olsem tisaman...

Tisaman Reupana lusim wok bihain long 42 yia

SAPOS planti ol gutpela lain manmeri i mekim planti komitmen na kamapim ol gutpela wok long humen risoses developmen na ol arapela bikpela developmen - orait, dispela ol lain i mas i gat luksave long dispela ol bikpela wok ol i bin mekim na save ol i gat.

Ol tisamanmeri em ol lain husat i mas kisim gutpela luksave pastaim long ol gutpela wok em ol i mekim na bihain ol i ken ritaia o lusim wok na i go bek long ples bilong ol na sindaun malolo.

Plantai taim ol tisa i no save kisim gutpela luksave long ol sevis na komitmen em ol i save givim long wok tising sevis bilong ol i go long ol skul pikinini na tu long developim humen risos long PNG.

I tru olsem bai i gat ol kain kain bikpela developmen i stap pinis na bai i ken kirap tu, tasol husat tru bai go pas long kamapim ol plen na i go pas tu long ronim dispela ol developmen? Yes, em ol save-manmeri bai i ken go pas na kamapim dispela ol wok na developmen.

Tasol ol i no nap tru long mekim olsem sapos ol i no kisim ol save long skul. Na long ol skul husat tru i save i go pas long lainim na givim save? Yes - em ol tisa tasol.

Turangu ol tisa, maski sapos ol i no save kisim gutpela potnait pe, ol i save pilaim bikpela pat tru long givim save long ol pikinini na developim ol wantaim ol kain kain gutpela save, na taim ol i graduet, em nau, ol i save kisim wok na go het long kamapim ol kainkain developmen.

Ating em i no gutpela sapot yumi lusim tingting long ol.

Na wanpela tisaman husat i givim moa long fopela ten yia long laip bilong em olsem tisa bai ritaia na i go bek long ples.

Robert Reupana, husat i gat samting olsem sikspela ten tu krosmas na i kam yet long Siane hauslain long Suave distrik long Simbu provins, i pinisim wok bilong em olsem tisa na i ritaia i go bek long asples bilong em long pinis bilong edispela yia we em bai ken sindaun na kisim gutpela malolo bihain long em i bin wok olsem tisa na sevim edukesen dipatmen inap fopela ten tu yia olgeta.

Dispela em i planti namba bilong ol yia na i luk olsem, em i mekim histori long wok inap long dispela mak bilong ol yia olsem wanpela tisa.

Stori bilong Mista Reupana i go olsem...

Bihain long em i pinisim



GIVIM LAIP LONG WOK TISAMAN: Hetmasta bilong Wes Goroka Praimeri Skul Robert Reupana na meri bilong em Miriam, i sanap wantaim sampela ol sumatin na kisim poto bihain long gutbai kaikai bilong tupela i no long taim i go pinis. *Poto: Sape Metta*

praimeri skul gret bilong em long ples, em i bin go na skul long Pot Mosbi Tisa Koles.

Na long 1966, em i bin graduet wantaim tisa setifiket na i wok olsem asisten tisa inap faivpela yia long 1967 i go inap 1971.

Long 1972, em i bin kisim luksave long wok na long wankain taim tu, em i kisim promosen long kamap olsem wanpela sinia tisa. Dispela luksave i bin wanpela bikpela samting tru long em yet olsem wanpela yangpela tisa.

Long 1973, Mista Reupana i bin kirap nogut long taim edukesen dipatmen i givim em wokmak long ranim ol level tri gret skul. Na em i bin kisim konfamesen o tok orait long kamap olsem level tri edukesen opisa long dispela wanpela yia yet na i wok long dispela mak inap fopela yia long 1973 i go inap 1976.

Long 1977, em i kisim narapela promosen long kamap olsem level 4 edukesen opisa na long dispela sem yia em i kamap na i go pas olsem het tisa long 1977 yet i go inap 1984. Em i bin stap long dispela level inap etpela yia olgeta.

Mista Reupana i bin kisim narapela promosen na i go antap long level faiv long 1985 na em i bin go pas long dispela level inap tenpela yia long 1985 i go inap 1995.

Long gutpela lidasip bilong em olsem hetmasta i go pas long ol skul, edukesen dipat-

men i givim narapela promosen gen long em long kamap olsem level siks edukesen opisa. Na em i bin go het long dispela wok mak inap fopela yia em long 1996 i go inap 1999.

Mista Reupana i winim level seven posisen long yia 2000 na i bin kamap long Wes Goroka Praimeri Skul long 1sten Hailans provins na i go pas long dispela skul olsem hetmasta.

fopela yia bihain long em i lukautim dispela skul, edukesen dipatmen i givim em narapela promosen i go antap long level et edukesen opisa.

Mista Reupana i bin go pas long Wes Goroka praimeri skul we em i lukautim moa long 1,200 sumatin na tripela ten faiv tisa na wokmanmeri inap nainpela yia long 2000 i go inap 2009.

Em i skelim em yet na i wokim disisen long stopim wok long pinis bilong dispela yia na ritaia i go bek long asples bilong em long Saina na sindaun isi na kisim gutpela malolo long hap.

"Mi givim planti yia long laip bilong mi olsem tisa. Dispela wok we mi save laikim tumas. Na long dispela ol yia i kam na i go, ol sumatin em mi bin lainim na skulim ol, planti long ol i kamap na kisim ol bikpela wok na i go het long bildim na developim PNG. Na sampela long ol i kisim wok kontrak we ol i stap na wok long planti ovasis kantri.

"Mi pilim sore na pen tu long pinis long wok tisa, we mi bin raun long planti hap bilong PNG long mekim dispela wok. Tasol long laip, i gat ol samting em i save stat na bihain em i save kam long pinis bilong em tu. Long wankain pasin, mi bin statim laip bilong mi olsem wanpela yangpela tisa na eduketa. Na mi bin mekim planti hatwok na komitmen long dispela wok long wanem mi laikim olsem olgeta sumatin bilong mi i mas kisim. Tasol taim em i no save stap long wanpela hap tasol. Em i save muv, na ol de, wik, mun na yia i kam na i go. Na yumi ol man, kris-mas tu bai i ken winim yumi. Olsem na mi skelim na pilim olsem em i taim nau we mi tu i mas pinis wok na kisim malolo," Mista Reupana i tok.

Em i tok i gat planti gutpela tisa i stap we edukesen dipatmen bai ken makim long kamap na kisim ples bilong em long taim em i ritaia.

"Em i taim nau we mi mas ritaia na mekim we long ol arapela tisa bai ken kamap na kisim ples bilong mi," em i tok.

Goroka Distrik Edukesen Administreta Ian Kapu, husat i bin kamap long gutbai kaikai bilong Mista Reupana long Wes Goroka Praimeri skul graun, i tok em i sore tru long lukim ol sinia tisa na edukesen opisa long pinis wok na go bek olsem long ples na sindaun malolo.

"Mi gat bikpela sore long

lukim Mista Reupana, husat i givim planti yia bilong em olsem tisa na bai pinis long wok nau.

Kain man olsem em i mas kisim gutpela luksave long ol lain edukesen atoriti long provins na nesenel level. Laip bilong em, em i givim long lainim na givim skul, olsem na i mas i gat sampela luksave long hatwok bilong em insait long 42 yia long em i skulim ol pikinini bilong mipela," Mista Kapu i tok. Long wankain taim tu, narapela wanwok bilong Mista Reupana, em Gwaibo Fore, husat em i hetmasta long Is Goroka Praimeri Skul i pinis wok tisa bihain long em i stap tisa tripela ten seven (37) krismas.

Mista Fore, husat i bilong Rigo long Kwikila distrik long Sentral provins, bai ritaia tu na go bek long Rigo na sindaun malolo bihain long em i bin wok raun olsem tisa long Suwaira, Irafomoife, Aiomon-tenu long rural Kainantu distrik, Okuifa, Ifiufa, Siokie, Wes na bihain tru em long Is Goroka Praimeri Skul we em i pinisim olgeta wok tisa bilong em long hap bihain long 14 krismas.

Mista Fore i bin givim olgeta taim bilong em olsem tisa na bihain, olsem hetmasta long skulim ol pikinini long Is-ten Hailans provins. Olsem Mista Reupana, Fore i skulim planti ol sumatin long provins.

IPNGS lonsim buk bilong Musik bilong Kaulong pipel, Wes Nu Briten Provins

INSTITUT bilong Papua Niugini Stadi klostu i gat Haus o Laibri bilong manmeri i ken yusim long stadi na kisim ol toktok na tingting bilong ol samting i kamap bipo.

Dispela haus i gat ol poto, CD na tep bilong harim long ol samting bilong stadi inap long 35 yia i go pinis.

Planti buk em ol i wokim pinis bihainim stadi na toktok ol i kisim long dispela haus.

Ol samting na toktok i stap long dispela laibri i gat ol toktok na tingting long pasin na kalsa wantaim musik bilong ol i gat insait long PNG.

Sampela ol toktok i tokaut long rot ol manmeri i painim na kisim dispela ol pasin tumbuna na musik ol i kisim long em.

Long taim em i gat ol stori, toktok na musik bilong tumbuna bilong mipela em i laik bungim wantaim tu ol musik bilong narapela ol kantri i kam.

Dispela i kamap ples klia long taim Institut i lonsim nupela buk "Re-counting Knowledge in Song"-lukluk bek long ol singsing tumbuna: Soim senis i kamap long Kaulong Musik."

Dispela buk em Jemen man Birgit Druppel i raitim na Institut bilong PNG Stadi i pablisim.

Long 16 Novemba long dispela yia, eksekutiv dairekta bilong Nesenel Kalserel Komisen, Dokta Jacob Simet i lonsim dispela nupela buk.

Dispela nupela buk i toktok long husat em ol pipel bilong Kaulong na pasin bilong ol long saut kos bilong Wes Nu Briten Provins.

Long dispela em i tokaut long as bilong kamap bilong musik bilong ol manmeri bilong Kaulong wantaim ol samting ol i yusim long singsing na long bikpela singaut ol i mekim long taim bilong singsing.

Em i tokaut tu olsem taim bilong singsing i taim bilong sindaun bilong famili na komyuniti.

Em i gat ol stori bilong kamap bilong Jemen na Australia gavman na kam bilong ol misinari olsem Katolik Sios.


Kamap bilong sios tu i senisim liklik tu pasin na kalsa bilong ol pipel bilong Kaulong.

Ol manmeri i lusim laik bilong ol long pasin tumbuna na i nogat moa bikpela tingting long bihainim pasin tumbuna.

Dispela kain lukluk i mekim dispela ol busmanmeri i laik senis na kam long nambis na save long ol pasin bilong nambis manmeri.

Bikos long dispela ol i kisim sampela nek bilong singsing long ol pipel bilong Kilenge em singsing tumbuan (Wes Nu Briten yet) na Siassi long singsing sia (Morobe Provins).

Bihain long dispela ol Kaulong i lain long singsing kwaia (choir) na bihain long Indipendens i lain long



LUKAUTIM! Dokta Simet (lep han) i lonsim "Re-counting Knowledge in Song" taim Niles i lukluk i stap. *Poto: Justin Kili*



pilai stringben.

Long wanpela toktok ol i mekim long makim maus bilong Druppel husat i go bek pinis long Jemeni long tok long ol manmeri bilong Kaulong em i tok: "Ol Kaulong i painim wanpela rot long bungim tingting bilong ol wantaim ol nupela tingting ol i kisim long ausait."

"Sapos ol i lusim luksave ol i gat long ol yet na ol samting ol i gat long en ol bai lusim ol yet na olgeta pasin tumbuna ol i gat long en."

Druppel i wanpela man long wol husat i save raitim stori bilong ol lokal musik bikpela wan wan komyuniti na pasin kalsa bilong ol.

Long 1991 dispela meri i go na stap wantaim ol manmeri bilong Kaulong na i lainim pasin kalsa na kastom bilong ol wantaim musik bilong ol.

Mama karim Druppel long Dusseldorf, Jemeni long 1961. Em i skul long musikoloji na etnomusikoloji long Yunivesiti bilong Cologne.

Long dispela taim em i skul wan-

taim narapela saveman em Profesa Dokta Gunther na i skruim skul bilong en long Yunivesiti bilong Berlin wantaim Profesa Dokta Kuckertz.

Em i mekim Mastas Digri bilong em long izeze (spike fiddle) long musik long Tanzania.

Bihain long em i kam long Nu Silan long 1991, Birgit i kisim risets long musik bilong Papua Niugini na i raitim buk na kisim Dokta Digri bilong em long Yunivesiti bilong Auckland, Nu Silan bihainim wok painim em i mekim.

Bihain long dispela em i tisim musik long Somerset Koles long Gold Kos (Coast), Australia.

Don Niles husat i wanpela Etnomusikolojis na husat i bin helpim Druppel long raitim dispela buk i tok tenk yu long Druppel long em i kamapim buk we bai was na banisim dispela musik bilong ol Kaulong long em i no ken pinis o sampela manmeri i stilim pasin bilong ol.

IPNGS i wanpela hap bilong Nesenel Risets Institut we askim i stap long en long em i skruim gut dispela wok bilong painim na lukautim musik bilong ol manmeri bilong Papua Niugini.

"Stat long taim bilong kamap bilong Institut long taim Papua Niugini i kisim Indipendens tu, dispela opis i givim olgeta taim bilong en long wok bilong mekim wok painim

na givim go aut ol toktok i stap insait long dispela opis," Niles i tok.

Niles husat i tok long kamapim wanpela Nesenel Entem bilong kantri nau yet i Ekting Dairekta bilong IPNGS na hetman bilong Musik Dipatmen long Yunivesiti bilong Papua Niugini.

Long taim bilong toktok Niles i tok long Ogas, 2009 IPNGS i bin givim aut ol buk we i soim kalsa na musik bilong ol manmeri na we kos bilong ol i stap long K12,00 em Institut i givim long 235 sekondari skul long kantri.

Dispela i bihainim plen bilong Karikulum Developmen na Asesmen Divisen bilong Dipatmen bilong Edukesen.

Na IPNGS i lukluk go het long skruim kain wok olsem.

"Sapos wanpela sumatin i ritim ol buk bilong mipela na i amamas o bel hat na i laik raitim poem, sot-pela stori, pilai, novel, rekotim ol toktok ol manmeri i mekim, o danis, musik na ol dro ol manmeri i mekim, mi ting helpim mipela i mekim i karim kaikai."

"IPNGS i wok bung wantaim Australia Nesenel Yunivesiti long em i mas gat sampela piksa bilong ol samting bilong Institut na i stap long intanet long ol manmeri i ken yusim long stadi."

"Dispela ol samting i stap long namba wan jonel bilong IPNGS (Gigibori), em sampela ol toktok i

kamap long Diskasen Pepa we ol i kolim Bikmaus," Niles i tok.

Niles i tok ol samting IPNGS i mekim i helpim long holim bek ol pasin tumbuna bilong Papua Niugini.

"Save bilong tumbuna i bikpela samting long Papua Niugini na dispela tu i ken lus isi sapos kantri i no lukautim gut."

"Save na toktok i save bringim gutpela tingting na rispek long wan wan komyuniti bilong Papua Niugini."

"Wantaim dispela ol samting, IPNGS i hop long putim gutpela was long ol," Niles i tok.

Wantaim planti ol arapela buk na stori bilong Papua Niugini Instiut i gat piksa bilong ol singsing bilong Spirit bilong Yamada Yoichi: Saund bilong Etnograpia long Is Sepik, Papua Niugini Sosaiti, 1997.

Dispela wok em Jun'chi Ohno i tanim i go long ol CD na DVD.

I gat bilong Kristen singsing bilong Yunaited Sios long Duke ov Yok Ailans long Is Nu Briten long 1999 na ol arapela buk na jonel bilong musik na kalsa bilong PNG.

Long baim "Re-counting Knowledge in Song" em kos PGK 20.00 yu ken salim oda bilong yu long dispela imel etres ipngs@global.net.pg o ringim opis bilong IPNGS long telepon namba: 325-4644.



Redio Program

Program bilong Wanwan De Mande – Fraide

6am – 10am – Sankamap show – Host: KAS.T
6:15am – Kominiuti Notis Bod
6:30am – Nius Hetlains / Bondei grittings
Trukai Rais - GES FAIA KOMPETISEN
6:45am – Niuspepa Hetlains
7:00am – Major Nius Bulletin – YUMIFM Nius Senta
7:15am – Toktok sapotim LO na JASTIS Sekta
7:30am – Trukai Rais - GES FAIA KOMPETISEN
8:00am – Major Nius Bulletin – YUMIFM Nius Senta
8:15am – Stori b'long Skelim Tingting

8:30am - Trukai Rais - GES FAIA KOMPETISEN
9:00am – Nius Bulletin – YUMIFM Nius Senta
9:15am – Luksave long Kominiuti (Redio Pilai)
9:30am - Trukai Rais - GES FAIA KOMPETISEN
9:45am – YUMI PAINIM WOK Segment
10:00am – Nius – YUMIFM Nius Senta
10am – 2pm – Monin Trek na Belo Pack – Host: VAVIESSIE
10:10am – Lukatim yu yet – Helt toktok – RH Hyper Mart
10:45am – YUMI PAINIM WOK Segment
11:00am – Nius – YUMIFM Nius Senta
11:10am – Cont'd – Lukauti yu yet – Helt toktok
11:30am – Nius Hetlains b'long Belo Taim
12:00pm – Major Nius Bulletin – YUMIFM Nius Senta
12:10pm – BELO Taim – wantaim sapot b'long TELIKOM
12:15pm – Kominiuti Notis Bod
12:20pm – BELO Taim – wantaim sapot b'long TELIKOM
1:00pm – Nius – YUMIFM Nius Senta
1:10pm – BELO Taim – wantaim sapot b'long TELIKOM

2:00pm – Major Nius Bulletin – YUMIFM NIUS SENTA
2pm – 6pm – Avinun Draiv Taim – Host: Enjo Dabix
2:00pm – 4:00pm (Tunde / Fondei) TOKAUT TOKSTRET
2:45pm – YUMI PAINIM WOK Segment
3:00pm – Nius – YUMIFM Nius Senta
3:10pm – Avinun cruz
4:00pm – NIUS - YUMIFM Senta
4:10pm – “FOAPELA KAM GUD LONG 4”
4:30pm – Nius Hetlains
4:45pm – YUMI PANIM WOK Segment
5:00pm – MAJOR NIUS BULLETIN – YUMIFM Nius Senta
5:10pm – 6:00pm – FLAME KULCHA (1 hr) listeners request
6:00pm – MAJOR NIUS BULLETIN – YUMIFM NIUS Senta
6 – 7pm - Maggi noodles request aua
6pm – 00am – NAIT BEAT – Host: ANGRA KENNEDY
6:10pm – 7:00pm Mun kamap sho
6:45pm – Kominiuti Notis Bod
7:00pm – 9:00pm – COCA COLA GARAMUT

9:00pm – 00am - Nait Beat – Isi Cruz long nait
00am – 6am – BRUKIM TULAIT SHOW – Host: Papa Raegs / Sally / Nenge
00:00 – Early Monin Taim Cruz (ol lain brukim tulait shift)
- Miusik / Request / Tok pilai
- Kipim Kampani long ol nait shift.
Weekend Shift – Saturday & Sunday
6:00am – 11:00am – Wiken Sanrais
6:30am - Komuniti Notis Bod - Bondei grittings
7am – 9am – Wiken Spots
9am – 11am – Monin Raun
11am – 1pm – National Weekly Hit Parade (Host Kas.T)
2pm – 6pm – Sarere Avinun Draiv
6pm – 00am – Nait Beat (Host Angra Kennedy)

YUMIFM POROMAN TEAM:
Turner (KAS.T) Arifeae – Team Leader / Program Director
Angra KENNEDY – Senior Announcer

Raun wantaim Wantok

Leonard Kania lonsim nupela albam



National Weekly Hit Parade:

Sponsor: Digicel - bigger, better network
Produced & Host by: Kas.T
Satistics: Enjo Dabix & Poroman Crew

Week Ending: Saturday - 12th December 2009

WB	LW	TW	C/Song:	Artist:
3	3(6)	1	U say	BJ Nagura
2	2	2(6)	Mori e	BJ Nagura
4	4	3	Olsem Kain Mahn	David Rangs
9	6	4	Bungim yu	Leonad Kania ft Potts
1	1(5)	5	Pretty Girl	BJ Nagura
17	12	6	Stella	Brixie ft Marken
5	5(6)	7	Fairy Tale	Apox
14	10	8	Red Rose	Leonard Kania
13	13	9	Kisim Bus	Awax
7	8	10	Egu Lalogau	Gou Gaoma
15	11	11	Kudougu	Charlotte
6	7	12	Awong	Satsco Neps of Kabwum
0	18	13	Solo Pasis	Young Isles
8	9	14	Afore	Seth Mahn
12	14	15	Lokitoitoe	Pitz
10	15	16	Pasin Barata	Twin Tribe
11	16	17	Steady Lewa	Choke band
16	17	18	Aelan Meri	Texas Allen
18	19	19	Point Five	Choke Band
20	20	20(5)	Hiffzz Medley	Malahiffzz

Song In: NIL

Song Out: NIL

King bilong Tolai Rok Leonard Kania i autim pinis wanpela nupela albam aninit long Quakes Production wantaim helpim bilong King bilong Pasi-fik musik Patti Pots Doi .

Dispela nupela albam em i kolim yet long Missing In Action(lus long taim bi-long Wok) em bilong helpim pikinini bilong em long kisim em go long haus sik long sampela kain sik we ol dokta mas sekim em o lukim em gut.

Dispela nupela albam tu em mekim, bihain long kontrak bilong em i pinis wantaim CHM, em katim ten pela albam bilong em wantaim CHM na PGS long Rabaul.

Lenard i tok, em i katim hariap dispela albam long kisim liklik mani, na baim haus sik na marasin bilong tupela pikinini bilong em, long wanem pikinini em i nidim stret dokta long lukim em.

Em tok tu olsem, dispela i no taim bilong em long rekotim albam bilong em, tasol dispela sik bilong pikinini bilong em na em rekot.

King bilong Tolai rok i stat pinis long sampela bikpela taun long lonsim dispela albam bilong em, em bai pilai tupela taim long Mosbi na wanwan long ol bikpela taun olsem Rabaul, Lae na bihain kam bek long Mosbi long pinis olupela yia na kisim nupela yia wantaim dispel nupela albam bilong em.



MISSION IN ACTION: Nupela albam bilong Lenard Kania bai pairapim PNG.

Ol brata bilong Lenard olsem Uralom na Bernard na sampela moa bai helpim long singsing wantaim em na Patti Potts Doi bai helpim em long miksing ol saun na tu singsing wantaim em.

Man i go pas long mekim wokabaun bilong Lenard long lonsim nupela albam bilong em, em Steven Sigal na tim bilong em aninit long LK Production.

Sapos yu stap long ol dispela hap taun olsem

Lae bai yu lukim Leonard Kinia i pilai laiv long The Place em bai pilai tu pela nait long namba 18 na 19 na bihain em bai kam bek long Mosbi long pilai laspela taim long lonsim dispela nupela albam bi-long em.

Em i pilai pinis long as ples bilong long Rabaul long wiken i go pinis na dispela namba 12 de, em long dispela Sarere em bai pilai long The Juction long amamasim ol musik fens bilong

RADIO AUSTRALIA TOK PISIN PROGRAM

HARIM LONG: 101.9 FM

Radio Australia Tok Pisin Program - MANDE

Morning - Nait

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7.01PM Ol Hetlain na Program Priviu
7.15PM Musik na Chit Chat
7.30PM Nius na Karen Afes
8PM Youth
8.15PM Musik/Spots
8.30PM Nius
8.40PM Focus Riplei
8.55PM Musik
9PM Stesen Pas

TUNDE Morning - Nait

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7.01PM Ol Hetlain na Program Priviu
7.15PM Musik na Chit Chat
7.30PM Nius na Karen Afes
8PM Yama Graun
8.15PM Musik/Spots
8.30PM Nius
8.40PM Yama Graun Riplei
8.55PM Musik
9PM Stesen Pas

TRINDE Morning - Nait

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7.01PM Ol Hetlain na Program Priviu
7.15PM Musik na Chit Chat
7.30PM Nius na Karen Afes
8PM Youth
8.15PM Musik/Spots
8.30PM Nius
8.40PM Focus Riplei
8.55PM Musik
9PM Stesen Pas

FONDE Morning - Nait

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7.01PM Ol Hetlain na Program Priviu
7.15PM Musik na Chit Chat
7.30PM Nius na Karen Afes
8PM Youth
8.15PM Musik/Spots
8.30PM Nius
8.40PM Focus Riplei
8.55PM Musik
9PM Stesen Pas

FRAIDE Morning - Nait

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7.01PM Ol Hetlain na Program Priviu
7.15PM Musik na Chit Chat
7.30PM Nius na Karen Afes
8PM Wantok
8.15PM Youth
8.30PM Nius
8.40PM Youth Riplei
8.55PM Musik
9PM Stesen Pas

SARERE Nait

7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Wantok
8PM Lokal Ben
8.30PM Nius
8.40PM Musik/Chit Chat
9PM Stesen Pas

SANDE Nait

7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Femili Blong Serah (Redio Plei)
8PM Lukluk Bek Long Wlk
8.30PM Nius
8.40PM Musik/Chit Chat

TV GAID

FONDE DESEMBA 10, 2009									
5.00AM	G	JOYCE MEYER - Religious Program			7.57PM	EMTV TOK SAVE	4.30PM	G	THE SHAK
					8.00PM	PG WWE AFTERBURN	4.57PM	G	EMTV TOK SAVE
					9.00PM	M ADULTS ONLY 20 TO 1: "Hottest Stars on the Planet"	5.00PM	G	HOT SOURCE
5.30AM	G	TODAY			10.00PM	M THE STRIP	5.29PM	G	EMTV NEWS UPDATE
9.00AM	G	MALOLO CLUB			11.00PM	G NATIONAL EMTV NEWS REPLAY	5.30PM	G	WHO WANTS TO BE A MILLIONAIRE - HOT SEAT
Holiday school specials - keep your kids entertained throughout the holiday season. Join Dora the Explorer on her many adventures; new gadgets on Cybershak; The Saddle Club, Madigan's Quest, the fun and energetic Rock Eisteddfod competition, movies and lots more					11.30PM	Australia Network	5.55PM	G	CRIME STOPPERS

KANAGE GO BAWI WANDELA 'AFTER SHAVE' MARASIN NA SIKS PEKS NA GO SINDAUN LONG PATA PATA BONG EM NA DRING ISTAP..

EM DRING I STAP NA TAMBU BILONG EM I KAM NA LUKUM 'AFTER SHAVE' MARASIN NA TING HAD STAF SPIRIT NA KISIM...

AM DRING PASTAM NA BAHAM MI GO SHEVIM MAUSOR.

AM TAMBU TENKUI TRU LONG KISIM DISDELA SAMUNG. MI PRINHA VAM!

NO WARS, YU YUSIM PASTAM NA BAHAM MI YUSIM.

HAD STAF EM MI YAH!

AAARG!! TAMBU EM WANEM KAIN HAD STAF YA!!

EM MARASIN BILONG SHEVIM YAH.. BIA TRU TRU EM MI DRING

Tokwin Tasol...

Paul Hogan has only ever played one character.....himself. It is this Paul Hogan character that has taken him from the scaffolds of the Harbour Bridge to the very top of Hollywood. Sit back and enjoy The Very Best of the Paul Hogan

7.27PM EMTV TOK SAVE

8.00PM PG AUSTRALIA'S FUNNIEST HOME - VIDEOS - DAILY EDITION

8.30PM M RESCUE: SPECIAL OPS

In this brand new Aussie drama, the members of Australia's most elite rescue unit rely on courage, mateship and extreme skills as they risk their lives to save others. Stars Peter Phelps, Libby Tanner, Les Hill, Gigi Edgley, Daniel Amalim, Katherine Hicks, Andrew Lees.

9.00PM PG WEDNESDAY NIGHT MOVIE: OLIVER TWISTV - (2005) Drama/Family - An adaptation of the classic Dickens tale, where an orphan meets a pickpocket on the streets of London. From there, he joins a household of boys who are trained to steal for their master. Stars: Barney Clark, Jeremy Swit.

11.30PM G NATIONAL EMTV NEWS REPLAY -

12.00MIDNIT Australia Network

MIPLELA i kamap long Lorengau long nait, samting olsem 8 kilok. Saleu Lu-eai (Charles Pondros) i putim bikipela kanu i go long maus bilong wara Lorengau na mipela mama bilong mi i kisim ol kago bilong mipela na go long haus.

Lorengau em i bik taun bilong Manus na i stap long bikipela ailan. I gat planti narapela ailan i bikipela tu tasol ol i ananit, kain olsem Rambuto, Loss Negros, Lou, Baluan, Pak na ol narapela liklik ailan.

Ol namba wan lain kiap bilong waitman i bin sindaun long Lorengau na Lombrum na raunim ailan i go olsem long not na saut kos long taim bilong gavman bilong Jemani (Germany). Long taim bilong namba tu wel wo, ol Amerika i bin mekim Lorengau na Lombrum i kamap bes bilong ol graun fos bilong ol na ol i mekim Momote i kamap 'the largest arodrum' long Sautwes Pasifik. Taim woa i pinis, ol Amerika i larim kainkain pipia bilong ol samting bilong pait olsem ol tenk, masin gan, pontun, wea haus, lori, na ol i larim tu planti ol bom na katres bihain. i kamap nevi bes bilong Royal Australia Nevi na liklik hap bilong ranwei long Momote i kamap epot bilong Trans Australian Airline (TAA) na Anset. Tude ol dispela ples i stap yet tasol ol i mekim narakain wok liklik, Lombrum i kamap PNGDF Patrol bot bes, Air Niugini yusim Momote na Lorengau i stap yet olsem biktaun bilong Manus na ol Admiralty Islands.

Lorengau em i naispela liklik taun, long taim mi liklik mi no save long ol narapela ples olsem Wewak na Pot Mosbi, olsem na mi nonap long skelim Lorengau wantaim ol dispela taim. Tasol Lorengau i no senis tumas na planti hap i wankain yet long dispela namba wan taim mi bin lukim. Olgeta hap bilong taun em i flet na i gat ol liklik maunten long baksait. Ples i hot tasol i gat ol naispela plawa i grow long olgeta hap na i gat planti diwai prut olsem ton, mon, ston prut, 5 kona prut, kapiak, saupan na planti ol narapela kain prut. Wankain olsem olgeta hap bilong Pasifik, i gat planti kokonas long olgeta hap bilong taun. Ol bisnis long dispela taim em i bin gat wanpela somil em Ken Hiskot wantaim brata bilong em i ranim long banis bilong ol Sevende (SDA) long nuwok. Allen Ross em i gat liklik siping kampani na em i save baim ol woa relik na ol ros ain. William Kim fun i lukautim wanpela bikipela stoa na long narapela sait bilong rot Edgell & Whiteley em wanpela kampani bilong Australia i wokim bisnis.

I gat narapela Saina tu Michael Wing yu i bin ronim narapela stoa na em tasol olgeta bisnis long Manus. Olgeta narapela lain i gat wok kopra.

Bihain long namba tu wol woa, taim ol Amerika i go bek na ol Australia i kisim ples, ol i bin laikim planti lokal long kisim wok olsem tisa, kapenta, mekenik, sip kepten na ol narapela wok. Skul i no stat gut yet long olgeta hap so planti lain i stap long stended 3 na 4 em waitman i kisim long mekim ol dispela wok.

Ol narapela lain olsem polis na dokta boi em ol lain Jeman i bin skulim planti yangpela man na taim gavman bilong Australia i kisim ples ol dispela lain i go het stret na wok wantaim gavman.

Michael Pondros em wanpela man bilong Powai husat i bin skul i go inap stendat 4 na gavman bilong Australia i kisim em long wok olsem tisa na bihain em i wok olsem namba tu kiap bilong Lorengau. Long taim mi kamap long Lorengau wantaim papamama,

Michael Pondros i bosim gavman bak stoa. Seim taim em i save rikrutim ol man i laik wok leba na em i lukautim tu haus kalabus na haus sik. Taim papa bilong mi i kam long taun long painim wok, Michael Pondros i kisim em na putim em long wok wantaim ol leba boi bilong gavman.

Mi bin kam long Lorengau namba wan taim tru long krismas bilong 1967 na namba wan haus bilong papa bilong mi em i no haus, nogat, em wanpela man bilong Sepik nem bilong em Mup Lala i bin mumutim ol hap plang, hap faibro, hap kapa, hap braun boks na em i joinim wantaim na em i save slip long em long Nuwok. Namba wan taim papa i bin kam long taun em i slip wantaim sista na tambu bilong em long Ta-

SENIS WANTAIM TAIM Lorengau

lasia plantesin. Bihain taim em i painim ol liklik wok nabaut long taun orait em i mup i go stap wantaim dispela man bilong Sepik bikos dispela Sepik em i maritim Chinou Kolo, em wanpela meri bilong Powai na i lain famili bilong mama bilong mi. Tasol famili bilong dispela Sepik i save stap long wanpela kokonas plantesin long Wenai na Sepik yet i save stap, olsem na papa i kam na joinim em na tupela i save stap.

Namba wan taim bilong mi long 'taun' mi bin gat planti samting bilong lainim. Kain olsem mi kirap nogut long kar. Sampela i luk olsem torosel, na sampela bikipela kar i nogat treila bilong tasol ol i ken karim planti bikipela diwai. Mi kirap nogut tu olsem ol masta i save wokim 'timba' long diwai bilong bus. Long nait sapos mi harim pairap bilong kar, mi save ron long haus i go long rot na traim long sanap namel stret long rot 'namel long tupela lait bilong kar' na ting olsem tupela lait ya bai i abrusim mi long sait-sait. Planti taim papa i save kam na pulim mi i go long arere na tokim mi olsem tupela lait wantaim em i lait bilong seim kar na kar bai kilim mi. Man mi paul olgeta long planti samting.

Dispela hap haus bilong papa wantaim fren bilong em i save hot nogut tru long san na long taim bilong ren, man, mipela na olgeta klos na kaikai bilong mipela i save wet nogut tru. Dispela em bikos sapos yu slip bros i go antap long san na lukluk long rup, bai yu ting yu lukluk long ol tausen star long nait. Olgeta hap bilong rup i gat planti tausen hol. Sampela taim mi traim helpim papa long putim PK bilong blokim ol dispela hol tasol PK i save kamaut long hot bilong san.

Papa i wok wantaim ol leba boi bilong gavman na ol i save katim gras long taun, kisim blek baket na go tromoi long Lugos, rausim kago long ol bikipela sip na lodim kopra long sip. Mi bin stap inap krismas holidi i pinis na papa i putim mi long liklik sip bilong misin long Patu na mi go bek long ples.

Tupela yia bihain, taim sista bilong mi i sik na mama i go bek long ples na kisim mitupela i go, Papa na mama bilong mi i no moa slip long haus bilong Mup Lala, nogat, nau tupela i slip long wanpela seksen bilong bikipela bow haus ol ami bilong Amerika i wokim long planti hap bilong Manus long taim bilong seken wol woa. Ol i mekim dispela haus bilong holim ol kaikai, marasin na ol samting bilong pait. Bihain long pait taim ol soldia i go pinis, gavman bilong Australia i rausim ol olpela kago bilong ol Amerika na ol skin haus i kamap olsem haus bilong slip (kompaun) bilong ol wokman bilong gavman. Namel long Lorengau, Lombrum, Papitalai, Lugos na ol narapela ples tu, yu ken lukim ol dispela kain bow haus i stap yet, planti yia bihain long ol Amerika i go pinis. Wanpela bilong ol dispela kompaun em i stap baksait long wanpela liklik maunten klostu tasol long maus bilong wara Lorengau na haus lotu bilong ol Jehova Witnes Nau NBC Manus i stap.

Long dispela kompaun papa mama i stap long en, i gat 12-pela dispela kain bow haus na gavman bilong Australia i putim wol namel na mekim i kamap olsem bikipela rum inap long 4-pela famili i ken slip insait long wanpela bow haus.

Mipela i serim wanpela haus wantaim tripela narapela famili. Olgeta yet i bilong Saut kos bilong Manus, planti lain liklik tasol em i orait moa long liklik haus papa bilong mi i bin slip long em taim mi kam visitim em nambawan taim stret long krismas bilong 1967.

Long gavman kompaun planti lain famili bilong ol wokman bilong gavman i stap. Sampela i wok wantaim dipatmen bilong woks na saplai, sampela wantaim taun kaunsol, ol klak na planti narapela lain. Long namba wan de bilong mi long kompaun, liklik brata bilong mi George So-on i tokim mi long



bihainim em bikos em i laik soim mi long wanpela samting. Mi bikainim em i go long sait bilong wanpela wara. Long sait bilong wara, George i soim mi long wanpela kain gras na em i stat long digim as bilong dispela gras. Em i rausim sampela liklik samting mi no save lukim bifo. Em i lainim ol long han bilong em na em i tok "hia, em pinat ya, yu traim kaikai" mi no save pinat em wanem samting na mi les long kaikai, tasol George i strong na i fosim mi long kaikai, mi traim liklik na "yak" mi spetim olgeta i go arasait long maus bilong mi na mi painim wara long wasim maus. Taim mi mekim olsem, George em i kilim em stret long lap na kolim mi bus kanaka!

Mama i kisim mipela i go raun long taun na ples i hot nogut tru. Orait mama i kisim mipela i go bek long sait nambis na mipela i painim wanpela hap bilong sidaun malolo. I gat wanpela hap simen i stap klostu long masin gan ol Amerika i bin sanapim long taim bilong seken wol woa, na mama i kisim mipela long go sidaun long dispela ples. Mipela i wokobaut yet na George i krai isi isi na i mekim mama i les. Mama i tromoi basket bilong em long simen bilong sidaun na em i toktok hat liklik "olsem wanem ya?" na George i tokim em sampela samting mi no harim. Bihain mi lukim mama i salim wanpela yangpela meri i go long baim sampela samting long stua bilong Kim Fun & Sons, em wanpela stoa bilong ol Saina. Yangpela meri ya i kam bek liklik taim bihain wantaim wanpela karamap. Mi no klia wanem samting i stap long karamap tasol mi harim George i tok "aiskrim, aiskrim" tasol mi no klia na mi no wari long lukim em wanem samting. I no long taim na mama i givim mi liklik braun na waitpela samting i kol nogut tru na i wok long melt na olgeta yet i tokim mi "kaikai, em aiskrim" samting ya i kol nogut tru na taim mi putim long maus bilong mi, man olgeta tit bilong mi i laik pudaun na samting ya i nogat teis "Yak" mi rausim olgeta long maus bilong mi.

Mipela i stap na mama tupela papa i kisim kainkain man, meri i kam bilong traim rausim sik nogut long sista bilong mi. Man bilong Sepik, Makam, Manus not kos, saut kos, ailan na bikiples. Ol kainkain lain i kam na mipela i go long ol tasol mi lukim olsem wanpela i nonap nau long stretim sik bilong sista bilong mi. Mi yet mi lukim olsem sik bilong Ludwina i wok long go daun liklik tasol i hat long mi tokim sampela lain na mi sarap tasol. Tru yet sik bilong sista bilong mi i wok long slo daun nau, em i no moa ai raun na pudaun planti taim olsem bipo. Mi bilip dispela em bikos em i wok long bikipela na tu mitupela i kam stap wantaim papamama stret olsem na laikim bilong papa mama i mekim tingting bilong Ludwina i isi-isi go bek long nomol. Yes, em gutpela tingting bilong mi, tasol mi no

lukim samting i kam yet bihain.

Sore Sista bilong mi Mitupela i kam stap long taun na kisim gutpela kaikai na malolo na tu mipela olgeta pikinini i save go waswas long solwara na skin bilong mitupela i kamap nais tru. Mi kamap blekpela man na sista bilong mi i kamap naispela ret skin meri. Ludwina em i kamap meri bilong hukum pis. Na tu i gat wanpela lain guava diwai i stap long bik bus na mitupela i katim has bilong ol rop na larim i drai na ol guava diwai i karim planti yangpela frut. Olsem na taim ol dispela guava frut i mau, sista i save kisim planti na putim insait long skul na mi save go skul long Lorengau primary 'T' skul (nau ol i kolim Pombrut Primary).

Liklik lek bilong mi i save kisim mi olgeta moning i go kalapim bris long wara Lorengau, abrusim olpela distrik opis, stua bilong Kim Fun, abrusim rot i go long Lorengau haus sik, katolik misin na kamap long skul. Bikos mi nupela yet long skul, mi save putim ai long ol bikipela skul mangi i stap long wanpela kompaun wantaim mi. Long apinun mi save poromanim ol na mipela i wokobaut i go bek long haus. Planti taim long belo mi nogat tingting long kaikai tasol taim ol bikipela pikinini olsem Kaluwin na Powaseu Malikes, Augustin Makis na Mini Tani i ron i go bek long haus, mi save mekim nating long ron wantaim ol. Mi nogat slipa o su na karanas long rot i save sutim lek bilong mi planti taim tasol i hat long mi stap bek long skul taim ol fren bilong mi i go bek haus.

Wanpela apinun bihain long skul, mi wokobaut isi-isi i go bek long haus. Olgeta bikipela mangi i go pas pinis. Mi wokobaut longpela hap stret i kam na lusim ol stoa na distrik opis na mi wok long wokobaut ananit long ol longpela diwai i lukluk long nambis. Wanpela bikipela meri i wokobaut i kam na tokim mi long tokples bilong em (narapela tok ples) "ol papa mama bilong yu i go pinis long haus sik, sista bilong yu i dring wara na ol i kisim em i go pinis long haus sik". Mi harim tok bilong em tasol bikos em i toktok long narapela tokples, het bilong mi i no hariap long tingim samting dispela meri i tokim mi. Mi wokobaut yet i go na kalapim bris na kamap long narapela sait, orait narapela meri i kam na tokim mi gen olsem sista bilong mi i dring wara na em i dai na mama tupela papa i go pinis long haus sik. Ol liklik buk long han bilong mi i pundaun nating long laik bilong ol i go long graun. Mi no go long haus, mi tanim na wokobaut i go bek long haus sik. Ai bilong mi i go daun na wara i wok long ron long laik bilong em, tingting bilong mi i resis tru.... I tru? Sista bilong mi i dai?

Nogat, em i no tru, sista bilong mi i nonap dai, ating ol man i mas paul ya, sista bilong mi i bin stap long haus na mi go long skul, em i nonap ronowe long mi, em bai stap na wetim mi, bai mitupela i pilai long apinun olsem mitupela i save pilai olgeta taim....

Liklik maunten long rot i go long haus sik i mekim mi sotwin liklik na tang bilong mi i sidaun long nek na maus bilong mi. Mi pulim win dip tru na kamap long olpela haus sik. Nogat man i stap ausait, ples i sarap, mi ken harim sailen krai long rum insait. Mi kamap long dua na wanpela nes i holim liklik solda bilong mi na i soim mi long mama tupela papa. I gat sampela narapela man tu wantaim ol tasol mi no

klia tumas long ol, olgeta i nogat toktok na mama i wok long isi-isi krai na wetim dokta long tokim em sampela samting. Mi lukluk long waitpela betsit antap long troli na mi luksave long tupela braunpela mak klostu long het bilong Ludwina, dispela tupela mak i wok long kamap bikipela olgeta taim mi lukluk long em. Mi sanap isi tasol inap dokta i rausim laplap antap long het bilong sista bilong mi na mi lukim olsem planti babol bilong solwara i wok long kapsait long tupela hol bilong nus bilong em. Mi holim lek bilong sista bilong mi na mi krai nogut tru na olgeta lain i joinim mi long krai.

Dokta i tokim mipela olsem Ludwina i dai pinis, meri nes em i wanlain bilong papa, na em i karamapim pes bilong Ludwina na ol i putim em long ambalens na kisim em i go bek long kompaun. Planti lain i kam krai sore na harim mama i stori long sista i dai olsem wanem. Long ol stori mama bilong mi i mekim, mi klia olsemLudwina i bin slip long bik san samting olsem 12 kilok. Mama i gat nupela bebi em i karim wanpela wik i go pinis. Em i susuim bebi na tupela wantaim i slip. Ludwina i wet inap mama i slip pinis nau em i kisim string bilong em na i wokobaut isi-isi i go ausait na go olgeta long nambis long hukum pis. Em i kamap long ol bikipela ston long nambis (nau NBC Manus i stap) na em i tromoi huk. Dispela eria em i gat bikipela si i save bruk na tu em i dip moa. Long taim em i wok long tromoi huk, sik guria i kisim em gen na em i pundaun stret i go insait long bik solwara. Nogat man i stap klostu i nap long helpim em. Olsem na em i dring wara na i dai.

Sampela taim bihain long em i pudaun pinis long solwara, wanpela kanu bilong ol lain Worei, em ol lain bilong mama stret i laik go bek long ples na ol i wok long muvim kanu long wara Lorengau i go long solwara. Ol i yusim diwai long traim holim kanu bai si i noken bagarapim kanu. Diwai bilong man i sanap bihain long kanu i sot liklik na em i laik stretim. Si i wok long tromoi as bilong kanu na klostu bai kanu i bamim ol bikipela ston long nambis. Dispela man 'Mangi Lokatoh' em i traim long yusim diwai em i holim long pusim kanu i go bek long bik solwara. Em i lukluk long solwara na i lukim insait bilong tupela lek bilong man. Em i singaut na ol narapela i kam lukim na olgeta i kirap nogut. Ol i traim apim na lukim em husat tru? Taim pes bilong yangpela meri ya i kamap man 'Mangi' i singaut bikipela tru "eh pikinini bilong sista bilong mi..." na em i kalap long solwara na apim Ludwina i kam antap long kanu. Ol i muvim kanu i go bek long nambis na dispela man i karim sista na singaut long mama bilong mi "Chinou, Chinou..." mama i ron i kam tasol em i kirap nogut stret. Em yet i nogat strong inap long karim pikinini bilong em bikos em i kisim nupela bebi nau tasol, na tu, Ludwina i longpela meri stret na taim mama i karim em, tupela lek bilong sista i hangamap baksait na i wok long pulim graun bihain. Ol i traim long rausim wara long bros bilong sista tasol i leit pinis, orait ol i kisim i go long haus sik. Dokta i nonap kirapim bek sista na em i toksave olsem Ludwina i dai pinis na mipela i kisim i go bek long kompaun.

Long moning taim mipela i kisim em long gavman bot na ron i go long Pelipowai. Long ples, ol i putim sista bilong mi long haus bilong Kakik na olgeta lain i kam krai. Ol lain famili bilong papa na mama i kam bung na stretim toktok bilong bagarap o kamap long sista bilong mi. Mi no save ol i mekim wanem kain toktok bikos mi pikinini yet na mi go raun na pilai wantaim ol poroman bilong mi. Taim mi kam bek long haus ol i stretim tok pinis na sekan i go i kam. Ol i tokim mi long sekanim olgeta lain na mi mekim tasol mi no klia. Nogat man i save tru-tru long olsem wanem na sista bilong mi i kisim bagarap. Mi harim liklik olsem olgeta yet i bilip long mitupela sista i kaikai wanpela masalai kuka bilong mangru na dispela i bagarapim sista bilong mi. Long tingting bilong mi, mi lusim pinis bes fren mi gat long laip bilong mi. wanem next time bai mi lukim em, God tasol i save. Mi no tokim mama na papa bilong mi inap 22 yia bihain (1991) taim mi stap pinis long Goroka.

Stori bai go yet neks wik...



NEM: Issack Wakil
KRISMAS: 19 (man)
ADRES: Mogal Secondary School, P.O Box 634, Mendi, Southern Highlands Province
SAVE LAIKIM: Ritim buk, lukim TV, na stori

NEM: Stella Nick
KRISMAS: 22 (meri)
ADRES: Holy Trinity Teachers College, P.O Box 274, Mt Hagen
SAVE LAIKIM: Ritim buk, pilai, lukim TV, go lotu na mekim wok lotu

NEM: Billy Timbon
KRISMAS: 30 (man)
ADRES: P.O Box 4249, Boroko, NCD
SAVE LAIKIM: Pilai soka, lukim TV, ritim buk na go lotu.

NEM: Hagai Zemo
KRISMAS: 29 (man)
ADRES: P.O Box 4249, Boroko, NCD
SAVE LAIKIM: Pilai soka, ritim buk, stori na raitim pas

NEM: Nancy Luke
KRISMAS: 19 (meri)
ADRES: Kanabea Primary School, P.O Box 220, Kerema, Gulf Province
SAVE LAIKIM: Go lotu, raitim pas na raun raun.

NEM: Paul Telape
KRISMAS: 22 (man)
ADRES: Magarima Provincial High School, P.O Box 33, Mendi, Southern Highlands Province.
SAVE LAIKIM: Pilai ragbi, stori, go lotu na pilai gita

NEM: Sebastine Dangu
KRISMAS: 18 (man)
ADRES: Don Bosco Secondary School, P.O Box 327, Vanimo
SAVE LAIKIM: Pilai musik, pilai ragbi, harim musik na ritim buk.

NEM: Angeline Pitaman
KRISMAS: 17 (meri)
ADRES: Kanabea Catholic Mission, PMB, Kerema, Gulf Province
SAVE LAIKIM: Pilai volibol, stori, mekim pani, go lotu, na lukim TV

NEM: Amos Yalap
KRISMAS: 22 (man)
ADRES: Guyata Elementary School, P.O Box 386, Lae, Morobe Province
SAVE LAIKIM: Pilai soka, harim musik, sing sing na go lotu.

NEM: Simon Kapea
KRISMAS: 23 (man)
ADRES: P.O Box 97, Boroko, NCD
SAVE LAIKIM: Go lotu, ritim Baibel, go lotu na mekim skul wok.

Raun wantaim Kanage olgeta wik

'Who bel yu?'

WANPELA meri Yauro i go stap long Australia i go na kam bek long ples bilong em. Taim em i kam bek long ples, em i gat bel. Em nau ol bik man long ples i bung na sindaun toktok long painim aut husat i givim em bel. Taim ol bikman i askim meri yah, em i no toktok. Long wanem meri yah i no save long tok ples na tok pisin, em save long tok inglis tasol. Ol i askim i go nogat na Kanage i kirap na askim meri ya olsem, "Who bel yu?" Taim ol bikman i harim Kanage i tok olsem, ol i holim pasim bel bilong ol na sindaun i stap. Mekim na meri Yauro ya sem pipia stret.

Gwen Toroks
MADANG

Yu laki man yu maritim mi

KANAGE tokim liklik pikinini bilong em long go baim mutrus bilong em na pikinini tok em i les. Em nau Kanage belhat na kirap paitim em. Meri bilong Kanage harim pikinini krai na em i siksti kam ausait long haus na askim Kanage. "Kela bun bun, yu paitim nating pikinini long wanem?" Kanage kirap na tokim meri bilong em olsem. "Mama yu noken askim mi dispela kwesten, samting mi wok hat na dispela pikinini kamap, olsem na sapos em i bikhet, mi gat olgeta rait long paitim na skulim em." Em nau meri bilong em kros na kirap tokim em. "Dispela wok bilong wok hat na kamapim ol pikinini yu save tumas. Tasol long wokabout i go na baim mutrus yu pilim skin les." Meri bilong em i tok olsem na mekim Kanage i belhat na kros nogut tru, na i kirap tokim meri bilong em. "Gutpela tru na yu kam maritim mi, na yu stap gut olsem na yu hambak. Ating sapos papa antap i no wokim mi, bai yu painim man i go nogat na bai yu go poromanim wanpela dok man na karim dispela yau pas pikinini ol i save kolim hapkas dok na sip-sip.

Friedson Kipas
BULOLO, LAE.

I no rai, em rei

KANAGE i bilong ples Butibam long Lae Siti, na em i maritim wanpela meri Okapa na ol stap long ples bilong meri bilong em longpela taim tru. Wanpela taim tupela i kalap long PMV bas na i laik go long Lae. Bas i go kamap long Makam veli na meri bilong Kanage i askim em, "Ngan bron mi, yu ting orsem wanem Rai i kam krostu pinis o nogat?" Kanage bekim na tok, "yu kolim gut, i no Rai-Rei." Ol narapela pasindia long bas harim olsem na kirap tokim Kanage, yu tu kolim gut, i no Rei nem bilong ples em Lae." Kanage harim olsem na spet long windo bilong glas.

Norbert Berere Stoneth
MADANG

Amigo, yu win!

KANAGE i sindaun long varenda long haus na kaikai buai i stap. I no long taim em lukim dokman bilong em, Amigo, i wok long pilai wantaim narapela dok i stap. Em sindaun isi na wok long skelim dok bilong em. Taim Amigo i kis long narapela dok, Kanage i tok, 'Em mi save'. Taim Amigo i ron raunim narapela dok, Kanage i tok, 'Em mi save tu'. Na taim Amigo i stap long claud 9, Kanage daunim spet isi na tok, 'Ah Amigo! Em i orait. Long dispela tasol em yu winim mi!'

Willie Anton
Wewak



Faktori i no bagarap yet

LIKLIK susa bilong misis bilong Kanage i wok long holim bebi bilong Kanage wantaim misis bilong em na wok long tromoi em i go antap na kam daun. Kanage sindaun kaikai buai i go na i no stret long ai bilong em na em kirap tokim tambu bilong em: 'Ating, mi les long toktok. Sapos yu asua, mi bai brukim kastom bilong ples. Na sapos komplek i kamap, yu wantaim susa bilong yu i ken toktok na stretim'. Tambu meri bilong Kanage harim olsem na em kirap tokpilai long Kanage, 'Ankol noken wari, faktori i no bagarap yet'. Kanage skelim tokpisin bilong tambu bilong em na em tokim em, 'Em yu yet nau. Sapos yu ting olsem ol masin long sait bilong yu i wok gut, orait, yu ken kamapim birua!'

Big Bird
9 Citi

Referens musik

WANPELA Fraide nait Kanage pilai laki wantaim ol wantok bilong em long Sandaun kem long Madang. Long wankain taim tu i gat danis long Raikos kem. Kanage pilai laki go na harim olsem ol musik tasol i wok long kamap long danis. Kanage harim dispela ol wankain musik i go na belhat nogut tru. Em nau em kirap na tok "Yupela, ol Raikos ya wok long pilaim tasol ol referens musik bilong ol, na ai bilong mi laik silip nau." Ol wantok bilong em harim olsem na

kaikaim graun. Bikos Kanage i laik tok feveret na em i abrus na tok referens.

George Mango
Sandaun Kem- Sepik

Man bilong stretim hevi

PAPS Kanage em wanpela man bilong painim meri. Wanpela taim em i sindaun na gris wantaim ol yangpela mangi i stap. Ol i stori i go na Kanage tokim ol mangi, "Las taim mi go long Boroi, insait long Madang, mipela i bin go stretim wanpela hevi. Man, mi stretim hevi bilong meri ya i go bik moning na mi kisim bikpela taim stret". Paps Kanage lusim ol mangi na em wokabout i go long haus. Long rot em bungim wanpela mama na mama ya tokim em, "Kanage, sampela toktok bilong yu i stap wantaim mi. Wanpela meri i salim i kam". Kanage hetwin na tok, "Aiyoooo! Maski mi wanem kain man olsem ya. Yupela kisim naip na katim nek bilong mi na bai mi dai. Taim mi dai, bai olgeta pren meri bilong mi long olgeta ples bai bung na krai long mi!"

TDS Tor
Angoram

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.

Painim Tok!

Raitim daun wanem pani samting yu ting i gutpela insait long babol long poto...

BAI YU WINIM WANPELA WANTOK T-SIOT O LAPLAP!

Salim i kam long: **Pani Toktok Kompetisen, P.O. Box 1982, Boroko, NCD Port Moresby** - Sapos mipela i lukim wanem samting yu raitim i gutpela bai yu winim wanpela Wantok T-Siot o laplap na bai mipela i putim i go insait long pepa.

Nem: Adres:

Krismas bilong yu: Telepon:

Yu baim Wantok niuspope long wanem hap:

(Rot, Maket, Stua).....

Katim long hin

TENK YU TRU: Vais Presiden bilong ExxonMobil Jack Williams (lep han) i tok amamas long Anderson Agiru, Gavana bilong Sauten Hailans bihain long sain-ing bilong tok orait.

Poto: PAUL ZUVANI



BANK WITH SMS BANKING AND WIN COMPETITION

Apply for SMS Banking today; use SMS Banking and you're in the draw to win. New and existing SMS customers - this is your chance to share in up to **K50,000!**

Weekly Draws:

- 10 Winners of K500 prize in bonus weekly draw
- Weekly draws on Fridays starting 20 Nov to 18 Dec

Grand Draw:

- 5 Winners of K5000 prize in Grand Prize Draw of K25,000
- Draw on 24 Dec

Simply bank using SMS Banking by using any of the services: Transfer money; check account balance; check recent transactions; using your mobile phone and get the chance to win!

With SMS Banking you can bank ANYWHERE, ANYTIME AND the more you use SMS Banking, the more chances to win a share of K50,000!

APPLY for SMS BANKING NOW, USE SMS BANKING NOW for your chance to be in the draw to share in the December Grand Cash Prize of K25,000.

♥ SMS Banking ♥ your bank

Digicel
PNG's Bigger, Better Network.

Free SMS Banking for Digicel users until 24th December

Competition starts 17 November - 24 December.
Open to all BSP retail customers, new or existing, who use SMS Banking.
Winners will be contacted and asked to present identification at their nearest BSP Branch. BSP staff members exempt from this promotion.

BSP
your bank

Esso Hailans i redi long developim LNG projek

Paul Zuvani i raitim

~~ESSO Hailans Limited, han kampani bilong ExxonMobil Koporesen i tok long dispela wik em redi long developim moa long K42 Bilion Papua Niugini Likwifait Netseral Ges projek.~~

Paipain bilong dispela projek bai bihainim 700 kilomita mak stat long Sauten Hailans, kam long Galp na bihain long ples Boera long Sentral Provins ausait long Mosbi.

Menesing Dairekta bilong Esso Hailans, Peter Graham, i tok dispela laik i kamap bihain long tok orait em i kisim long ol projek patna, gavman na ol papagraun.

Na wok bilong kamapim ol samting long ronim dispela projek bai stat long 2010.

Salim bilong ges bai kamap long sampela taim bilong 2014 na Gavman bai salim ges long Saina, Taiwan na Siapan.

"Mipela i amamas long kamap long dispela mak long kisim tok orait bilong olgeta poroman kampani bilong mipela.

"Inap long taim olgeta tok orait bilong husat mipela bai kisim mani long ol na kamapim projek na husat mipela bai salim ges (sels na fainensing) mipela i tok mipela i redi," Graham i tok.

Tokaut bilong ol kontrakta husat i winim kontrak long mekim wok bilong enjiniaring, long baim samting long ol na sanapim ol samting bai kamap long liklik taim bihain.

Long sapotim toktok bilong em Menesing Dairekta bilong Oil Search, Peter Botten, i tok:

"Disisen bilong tude long lukim kamap bilong dispela projek em i wanpela bikpela disisen long histori bilong Oil Search.

"Dispela projek bai bihainim stori bilong ol gutpela stori bilong kantri olsem em i gat inap wel na ges long salim long wol.

"I gat inap olsem 19 milion barel bilong wel i stap bilong salim na dispela bai wantaim long salim bilong ges," Botten i tok.

Graham na Botten i tok tenkyu long Prais Minista Gren Sif Michael na Gavman bilong en long mekim olgeta samting i kamap orait long kamap bilong projek.

Stap long dispela taim tu em Prais Minista Se Michael, Tresari na Fainens Minista Patrick Pruaitch, Petroleum na Eneji Minista William Duma, Sauten Hailans Gavman Anderson Agiru, Edukesen Minista na Memba bilong Tari Pori James Marape, ol arapela Memba bilong Sauten Hailans Provins na Memba bilong Palamen.

Stap long sainim dispela tok orait tu em Vais Presiden bilong ExxonMobil Jack Williams, Oil Search bosman Botten, Santos Sif Eksektiv Opisa David Knox na mausman bilong Nippon Wel (Oil) bilong Saipan.



OL PROPOSAL LONG KISIM MANI-HELPIM ANINIT LONG FISERIS PROJEK DEVELOPMEN FAN (PDF)

Nesinol Fiseris Atoriti (NFA) i putimaut invitesin igo long ol saveman na meri bilong pulim pis long solwara na ol lain inlen fres-wara fis famas na ol koporet sosaiti husat i stap insait long wok fiseris developmen long givim ol proposal long Projek Developmen Fan (PDF) bilong 2010 mani-helpim.

Ol mani- helpim insait long PDF fan i kam long tupela (2) rot.

Nambawan hap bilong dispela ol mani-helpim i kam long US Multilateral Fisheris Treaty namel long ol Pasifik Ailan Kantri na Yunaited Stet ov Amerika. Dispela i save larim ol sip we i soim fleg bilong USA i ken ron insait long ol solwara ol i kolim Eksklusiv Ekonomik Zons bilong Pasifik Ailans kantri na Forum Fiseris Ejensi long Honiara, Solomon Ailan. Dispela fan ol i kolim Projek Developmen Fan (PDF).

Namba-tu rot we mani i kam long en em Nesenol Fiseris Atoriti bilong Projek Developmen Fan (PDF) long givim mani-helpim i go long ol projek aninit long Smol na Midium Skeil Bisnis Entaprais.

Long mekim gut wok na ol fans i ken go stret long ol gupela fiseris projek, ol i kamapim wampela PDF Stiaring komiti long menesim Papua Niugini PDF/fan, Dispela komiti bai i lukim olsem ol fans i stap long gupela menesmen na i ples-klia na ol wok i stap moa klostu long en.

Kategori Wan

A) KOMYUNITI FISERIS SAPOT PROGRAM

Ol Komyuniti Fiseris Program, em ol dispela we bikpela lukluk bilong en em long ol bikpela komyniti i ken kisim helpim. Dispela ino bilong kisim win-mani o profit.

Husat inap long aplai?

Ol komyniti-bes fiseris asosesin o koporetiv

Wanem wok bilong mani?

Long baim ol samting bilong wok fiseris olsem samting bilong huk, ais-bokis, ol samting bilong yusim long maket na ol samting bilong yusim long ofis wok.

Antap mani-mak long wampela projek

Twenti Tausen Kina (K20,000.00)

Namba bilong ol Projek we bai kisim Luksave

Ten-pela (10) projek bai kisim mani helpim

Kategori Tu

B) Smol na Midium Skeil Entaprais Sapot

Ol fans we bai go long ol Smol na Midium Skeil Entaprais we bai sapotim na givim sampela liklik moni igo long SME insait long Fiseris Sekta long baim ol kapitol o samting long strongim wok operesin bilong bisnis.

Husat inap long aplai?

- ☐ 100 % PNG man o meri husat i papa bilong ol SME Kampani
- ☐ SME i wok long mekim wok operesin bilong en insait long Fiseris Sekta insait long las 3-pela yia
- ☐ SME wantaim 50% hap mani long helpim long mekim wanem wok long kamap

Antap moni mak long wampela projek

- ☐ Fifti tausen Kina (K50,000.00)

Jenerol Kondisen

- Olgeta samting mekim wok yu bai mas i gat invois i kam long lain yu laik baim long ol
- Soim tru hamas moni yu givim sapos em SME sapot projek
- Soim tru gupela wok na strong long bringim saplai na redim ol ripot bilong projek we moni helpim igo long en.
- Ol lain husat i kisim tok-orait pinis bai kisim 28-de mak long yusim dispela ol mani-helpim
- Ol peimen bilong ol samting bai PDF Stiaring Komiti i salim igo stet long saplaia.
- Ol fans ino inap peim kos bilong operesin, bekim dinau o lon o sevisim ol dinau.
- Ol dispela aplikasin pepa we ino gat luksave bai igo bek long ol lain husat i aplai.
- Strepela aplikasin bilong ol proposal i mas gat ol dispela samting:

Olgeta Project Identification Document (PID) na Projek Fomulesin Dokumen mas i gat wampela bisnis plen. Askim ol provinsal fiseris ofis o NFA long ol dispela samting.

Olgeta Proposal mas soim ples klia olsem "PDF Steering Committee" na ol i mas go stret long Nesinol Fiseris Atoriti, P O BOX 2016, Port Moresby, National Capital District, PNG

Wanem ol askim long PDF proposal i mas go long **Ms Waleta Wararu**, Eksekutiv Menesa, Provinsal Sapot na Industri Developmen long telefon: 3090483

Olgeta sabmisen bai kamap long ofis bipo long Disemba 30th 2009

Authorized by

SYLVESTER POKAJAM
Menesing Dairekta

Basil singaut long gavman putimaut nem bilong olgeta NADP projek

James Kila i raitim

MEMBA bilong Bulolo, Sam Basil askim nesenel gavman long putimaut nem bilong olgeta agrikalsa projek em ol i givim mani halivim insait long Nesenel Agrikalsa Developmen Plen (NADP) gren stat long las yia.

Mista Basil i mekim dispela singaut long wampela graduesen seremoni bilong Bulolo fama long Erap didiman stesen aut-sait long Lae, Morobe provins.

Mista Basil i tok olsem planti ol toktok i kamap insait long niuspepa, radio na midia olsem planti ol paul pasin i kamap long sait bilong kisim mani long NADP. Planti ol dispela mani em ol giaman lain husat em "pepa fama" tasol husat i save

raun nating long Mosbi i wok long putim ol giaman pepa na kisim mani. Turangu moa long 80 pesen ol hatwok rural fama insait long kantri i wok long wet yet long kisim helpim i kam long dispela NADP gren.

Mista Basil i tokaut olsem long dispela yia K100 milien NADP mani i bin go aut na dispela i pinis wantu tasol insait long 6-pela mun tasol. Em i tok dispela mani i go pinis nating tru.

Em i askim gavman long putim mani i go insait long wok bilong ol agrikalsa ogenaiesen long helpim ol long kari-maut ol wok insait long distrik na rurel eria.

Em i tok olsem gavman i no lukluk gut long plenim wanem gupela rot long sait bilong yusim NADP.

Em i tok mani bilong NADP i gutpea long go long Dipatmen ov Agrikalsa na Laipstok (DAL) na ol i ken givim i go long sapotim wok bilong didiman na agrikalsa projek.

Agrikalsa em baksait bun bilong PNG bikos planti ol pipel insait long rurel eria long kantri i save stap strong long agrikalsa wok long kisim liklik mani long helpim sindaun bilong famili na komyniti bilong ol.

Planti ol lain long ol provins na distrik, husat i putim ol aplikasin bilong ol i go long kisim helpim long NADP i no amamas bikos planti ol konman o paul man husat i save stap raun nating nating long Mosbi i wok long suvim ol pepa bilong ol i go na kisim mani.

Kisim pawa long san



LAIKIM LAIT: Ol wokmeri bilong Sola Eneji projek i amamas long pawa em san i kamapim.

WANTAIM ol sola samting sampela Papua Niugini manmeri nau i ken kisim isi pawa na mekim wok bilong ol

Dispela em bihain long Wol Benk i lonsim Sola Pawa Lons projek long Tunde dispela wik.

Dispela projek nau i ken lukim ol gras rut manmeri husat i no inap long baim jenereta bai baim ol sola panel long laitim haus nap les bilong ol na mekim wok.

Long helpim ol manmeri kampani i wok bung wantaim Australia Nu Silan Benk na Nesenewaid Maikrobenk long kisim ol isipela lon na baim ol samting bilong sola sistem.

Dispela i kamap bihainim tingting bilong Wol Benk, long helpim sindaun bilong ol manmeri bilong ples.

Dispela i givim sans long ol manmeri i ken yusim pawa we i ken stap

oltaim.

Pawa i kamap long disel na petrol enjin bai pinis tasol pawa i kam long san bai stap oltaim.

I olsem manmeri i kisim samting bilong pulim hat bilong san na kamapim pawa i gupela tru.

Nau long dispela taim planti ol family long ples i save yusim ol kerosin lam long givim ol lait.

Tasol dispela samting nau i senisim stap bilong karasin.

Karasin tu bai pinis tasol hat bilong san bai stap.

Matt Carr, SEFP, prospek menesa i tok: "Dispela projek i helpim tru ol manmeri bilong ples."

"Yusim karasin i no gupela long wanem i gat planti sans long kisim bagarap long em."

"Smuk long karasin i bai bagarapim lewa bilong man na i sapos i no was i ken kamapim paia long haus, kukim ol samt-

ing na bagarapim man wantaim."

"Olsem na em i gupela long manmeri i mas senisim tingting bilong ol na yusim pawa o lait we ol i no ken hatwok long baim oltaim o bai bagarapim ol."

Long aplai long ol lons manmeri i ken aplai long Sola Pawa Lons na kisim 100 pesen tok orait long ANZ na Nesenewaid Maikrobenk.

Nogat benk fi bai go wantaim long kisim dispela lon.

ANZ kastoma, Kathy David, husat i laik aplai long dispela lon i tok: "Mi tromoi inap olsem K30 long wampela fotnait long baim karasin."

"Wantaim Sola Pawa Lon mi ken kisim pawa olgeta taim na i no ken tromoi mani long kisim lait, sasim mobail bilong mi o ol batri bilong sampela ilektronik masin."



KALAP: Kepten bilong Hebou Hammers, Collin Amini traim long kisim wanpela bal we ol i paitim i go antap long T20 gem bilong ol las wik. Hebou i winim dispela tonamen. POTO: Andrew Molen.



AUT: Bipo pilaia bilong Australia, Jimmy Maher i lukluk long wicket bilong bihain long ol i autim em long T20 legends kriket pilai las wi kSarere long Mosbi. Maher i pilai wantaim UMW Thunder. POTO: Andrew Molen.



PRAIS: Tupela anda 15 pilaia i kisim ol prais bilong ol bihain long fainol bilong anda 15 tonamen bilong ol meri long Madang las wik. POTO: PNGFA.



RESIS: Hekari Souths United FC straiika, Kema Jack (raithan) i ronim birua bilong em bilong Marist FC long traim na kisim bal long O'Lig gem bilong ol las wik Sarere long Mosbi. Hekari win 2-1. POTO: Andrew Molen.

bemobile

PAINIM BAL RESIS!



Putim mak (X) long wanem hap yu ting bal i stap long en na salim i kam long:

Bemobile
PAINIM BAL RESIS
WANTOK NIUSPEPA
P.O. Box 1982 Boroko,
NCD
Port Moresby.

Bai yu gat sans long winim **sampela gutpela prais** i kam long Bemobile na **K100** i kam long Wantok Niuspepa long wanwan mun.

Lo bilong resis:
Ol wokmanmeri bilong Wantok Niuspepa no inap pilai long dispela resis. Wantok Niuspepa tasol bai i makim wina. Nogat potokopi.
Taim bilong dro em bihain long foapela wik bai ol i droim wina na nupela pilai bai i stat gen. Nem bilong wina bai kamaut long pepa neks wik bihain long dro.

**WANTOK**

Nem:.....**Krismas**.....

Atres:.....

Phone namba:.....

Yu baim pepa long we?

Long strit/ rot/ stua:.....

Katim na salim i kam



bemobile
cup

9-pela Madang stap long skwat

9-PELA pilaia bilong Madang tim wan na tu i stap long PNG anda 15 so-ka skwat bilong ol meri bi-hain long ol i winim nesenel sempionsip las wik long Madang.

Madang tim wan i winim pul A na LFA i win long pul B long dispela tonamen.

Dispela 9-pela meri stap namel long 30 pilaia ol i makim long dispela tonamen.

Bilong Madang tim wan em; Elizabeth Bruno (gol kipa), Georgina Kaikas (fowet), Raymona Morris (fowet), Alexia Steven (mid fil), Bridjit Kadu (beks), Bian-

ca Gubag (straika), na Natasha Kaski (mid fil).

Long tim tu em; China Bokorum Cathy Simon (beks) na Naomi Gima (beks).

Ol arapela memba bilong skwat em; Carol Obi (beks - A), Gira Nero (mid fil - A), Rose Bulum (Straika-A), Sassah Steven (mid fil - LFA), Sandy Birum (beks-LFA), Judith Gunemba (beks-LFA), Consita Lalo (fowet-LFA), Yasap Simon (beks-LFA), Stephanie Simon (beks-LFA), Monica Yawas (straika-LFA), Natasha Waa (mid fil -

WWK), Esmeralda Saviter (mid fil-WWK), Elizabeth Waba (beks-Wau), Jasmin Tom (mid fil-Wau), Tabai Tom (midfil-Wau), Tetory Roberts (beks-Simbu), Yvonne Gabong (yutiliti-SSL), Amenda Feki (gol kipa-LFA), Geenaida Bangai (midfil-SSL) na Mavaru Vueliu (midfil-LFA).

Dispela skwat bai makim PNG long Osenia futbol konfederesen anda 17 gem bilong ol meri long Oklen (Auckland), Nu Silan long Epril 2010 long traim na winim ples insait long anda 17 wol kap.



NAMBAWAN: Wanpela bilong ol Madang tim we i stap long tonamen las wik. POTO: PNGFA.



TIM POTO: Kauna (namel) i sanap wantaim ol arapela Pukpuk pilaia bihain long wanpela gem bilong ol dispela yia.

Yia bilong Pukpuk

Andrew Molen i raitim

KARO Kauna i amamas long ragbi yunion sisen bilong em long 2009 we i lukim em i makim kantri bilong namba wan taim tru olsem wanpela Papua Niugini Pukpuk.

Kauna, husat i save pilai wantaim University Piggies klap insait long Pot Mosbi ragbi futbol yunion (PMR-FU) resis i

Em i makim PNG namba wan taim tru long PNG ragbi sevens (7's) tim i go long lik-lik (mini) Pasifik gems long Cook ailans long Ogas.

Na gutpela pilai bilong em i mekim ol i kisim em i go bek gen long tim Oktoba long pilai long Tahiti.

"PNG gat gutpela sans long winim ol arapela

bikpela kantri husat i save pilai long ol tes tasol yumi mas go long planti moa ol kain intanesenel gem olsem," Kauna i tok.

Em i tok amamas tu long ol poro, famili, kosa na ol ofisol bilong PNG ragbi long lulksave long em.

"Mi tok tenkyu tu long papa God husat i givim mi dispela strong na save long pilai na i save lukautim yumi olgeta," Kauna i tok.

Amamas bilong Kauna i go tu long ol wanpilai bilong em husat ol i karim nem bilong kantri tu na i helpim long apim nem bilong ragbi long Pasifik na wol.

Em i stap nau long Lae siti tasol bai pilai strong yet long traim na winim seleksen long makim kantri gen long 2010 na ol yia i kam.

Tim kaikai

Andrew Molen i raitim

PROVINSEL tim bilong Nesenel Kapitel distrik (NCD) long las wik Sande i mekim wanpela kaikai bilong ol long amamasim gutpela pilai bilong ol long PNG gems tupela wik i go pinis.

Bung bilong ol i kamap long Sir John Guise stadium we olgeta pilaia na opisal i kam long en.

Tim NCD i bin winim dispela pilai wantaim 100 medol (40 gol, 25 silva, 35 brons).

Dispela ol pilai kamap long NCD long Novemba

18 i go long 28 na Gavana Powes Parkop i tok em i bin wanpela gutpela gem tru we i ron gut stret.

Ol pilaia na opisal bilong tim NCD i bung wantaim na kaikai long amamasim gutpela win na pilai bilong ol long dispela gems.

Stat long 2010 bai ol i stat trening gen long salim wanpela tim i go long Arufura gems long Darwin long 2011 na tu long namba 5 PNG gems long Is Nu Briten long 2012.

Inap 600 pilaia i stap insait long tim NCD dispela yia.



KAIKAI: Sampela ol pilaia i bung na kaikai kek i stap insait long bokis las wik Sande long Sir John Guise stadium. POTO: Andrew Molen.

Bichel bilip long PNG kriket

Andrew Molen i raitim

PAPUA Niugini nesenel kriket kosa na bipo pilaia bilong Australia, Andy Bichel i bilip kriket i ken go bikpela insait long kantri.

Na em i laik wokbung gut wantaim Cricket PNG (CPNG) long kisim dispela spot i go long planti moa ples insait long kantri.

Nau yet ol gutpela kompetisen i save kamap long Lae, Mosbi, Kimbe na Sentrol provins tasol.

Wanwan liklik kriket resis i save kamap long ol arapela ples tu.

Long las wik Bichel i kam long Mosbi wantaim ol arapela biknem kriket pilaia bi-

long Australia.

Andrew Symonds, Jimmy Maher, Greg Blewett na Michael Kasproicz i kam wantaim Bichel na pilai insait long tripela T-20 gem long Amini Park las wik Sarere na Sande.

Dispela gem i bin makim promosen wok bilong Motor Vehicle Insurance Limited (MVIL) long skulim ol manmeri long dring na draiv na tu long noken spit long rot.

MVIL i mekim wankain aweanes tu wantaim Nesenel Ragbi Lig (NRL) bilong Australia.

"Mipela i amamas long kriket i stap insait long dispela kain aweanes wok bilong wanem em bai helpim planti manmeri bilong PNG.

"Long wankain taim bai em i helpim tu long apim nem bilong kriket insait long kantri bai planti moa manmeri ken save long dispela spot na pilaim," Bichel i tok.

Jenerel Menesa bilong CPNG, Bill Leane i tok em i gutpela long ol i sapotim dispela kain aweanes na tu long kisim kain ol biknem pilaia i kam long PNG.

"Ol spotsmanmeri save olsem spot na bia na ol strongpela dring i no save bung wantaim.

"Na tu, ol i mas save olsem yu noken draivim kar taim yu dring," Leane i tok.

Dispela em bikpela astingting ol i laik yusim kriket long skulim ol manmeri long en.



ASTINGTING: Bichel laik helpim long mekim kriket bikpela long PNG. Em i kam las wik wantaim ol biknem Australia pilaia. POTO: Andrew Molen.

SPOT RAUN
WANTAIM
Scott Vavine, ML



Ol spots long Krismas taim

KRISMAS taim i kamap klostu nau na mi save planti ol ples insait long kantri wok long redi long kamapim sampela ol pilai bilong ol long dispela taim.

Planti save yusim spots long dispela taim olsem wanpela rot bilong bungim ol manmeri long dispela ples na komyuniti wantaim.

Na dispela em i wanpela gutpela rot long bungim olgeta manmeri wantaim long amamas na luksave long ol yet.

Em i gutpela long olgeta i amamas long bung na lukim pilai tasol i gat ol manmeri stap husat i mas wokhat long kamapim na ronim dispela ol pilai.

Wanpela samting long helpim ol em ol i ken askim ol yet, "Bai yumi stat long we?"

Namba wan samting long lukluk long dispela askim em long painim aut long wanem as tru yu laik kamapim dispela bung o pilai.

Taim yu luksave long dispela em bai helpim yu long makim wanwan samting yu laik mekim o kamapim long dispela pilai o bung.

Raitim dispela ol astingting bilong yu i go daun we yu ken wok long traim na bungim.

Taim yu stretim dispela i stap, narapela askim yu ken tingting long en tu em, "Yu makim dispela pilai o bung long pulim wanem kain ol manmeri?"

I gat kain kain manmeri stap long wanwan komyuniti olsem na yu mas tingim olgeta taim yu mekim wok bilong yu.

Dispela bai helpim yu long redim ol samting inap long mak o level bilong ol manmeri yu makim long en.

Taim yu luksave pinis long ol astingting na ol lain husat yu laik makim dispela ol pilai na bung long ol orait narapela wok nau em long traim na redim olgeta samting insait long liklik taim tasol.

Yu mas painim wanpela man o meri husat i gat gutpela save na ekspiriens long helpim yu.

Dispela bai helpim yu long mekim ol samting hariap na redi long taim stret.

Ol wok olsem mekim baset, redim ol pilai bilong opim na pasim bilong bung, sekyuriti, medikol sait, ol prais, resis, ol risal bilong gem na ol arapela samting.

Tingim olsem, yu mas i gat gutpela save na ekspiriens long mekim dispela kain wok bai yu noken paol nabaut.

Ol manmeri tu bai ken bilip long yu na helpim yu long mekim ol samting hariap na tu ronim gut ol pilai na bung.

Bikpela astingting em yu mas traim long kisim inap samting na ol gutpela manmeri long helpim yu ronim dispela kain ol pilai.

Sapos yu nogat dispela ol samting bai yu bungim planti hevi taim yu laik ronim pilai bilong yu.

Ol bipo Mista PNG amamas long bodi bilding



AMAMAS: Ol bipo Mr. PNG, Allan Yegiora (lephan), Jack Viyufa, David Muganang (soim masol) na Imbak Wiape. POTO: James Kila.

James Kila i raitim

SPOT bilong bodi bilding we ol manmeri save lukautim bodi bilong ol na groim masol bilong ol long soim na kisim poin, i wok long gro long ol nupela ples insait long Papua Niugini.

Dispela em bikpela toktok 4-pela bipo Mista PNG i bin mekim ino long taim i go pinis long Mosbi bihain long namba 4 PNG Gems.

Dispela ol 4-pela man i bin holim taitol long bipo insait long kantri long spot long dispela pilai.

Wanpela bilong ol em David Muganang husat i soim tru strong bilong em taim em i winim gol medol long PNG Gems tupela wik i go pinis.

Narapela tripela Mista PNG i givim tok amamas long Muganang long

mekim kam bek bilong em insait long dispela spot.

Dispela tripela em Allan Yegiora (Mr PNG 2004), Jack Viyufa (Mr PNG na Mr Saut Pasifik 2007) na Imbak Wiape (2008).

Olgeta wantaim i amamas long ron bilong PNG Bodi Bilding Federesen (PNG Body Building Federation) aninit long gutpela menesmen bilong presiden Ronald Haihavu.

Ol i tok dispela spot i gro bilong wanem planti ol liklik ples i wok long soim laik na wok long go insait long pilai.

Sampela ol dispela senta em Kimbe, Kavieng, Lihir, Porgera, Hagen na Goroka.

Moa long en, planti ol meri tu i wok long pilaim dispela spot nau.

Nupela trening strongim Garap

Andrew Molen i raitim

NUPELA trening i apim tru strong na save bilong Papua Niugini Profesenel Muay Thai paitman, Lee Garap.

Nau em pilim inap stret long bungim wanem kain paitman bilong Muay Thai insait long ring. Em i bilip tu olsem em inap long resis gen insait long narapela wol taitol pait.

"Mi lainim planti nupela samting long dispela trening.

"Em i mekim mi go strong na fit moa," Garap

i tok.

Fitness bilong Garap i mekim em inap pait 25 raun wantaim tripela minit long wanwan.

"Mi ken pait 25 raun wantaim 3 minit long wankain spit na strong.

"Em i gutpela tru na mi yet tu ino inap bilip olsem mi kamap long dispela mak," Garap i tok.

Garap i bin go long Gold Coast (Gold Coast), Australia long pinis bilong Novemba dispela yia we em i sapos long pait long Sunshine Coast long Disemba 5.

Dispela ino bin kamap

bilong wanem man husat ol i makim long pait wantaim Garap i tok Garap i gat planti ekspiriens moa long em.

Long wetim dispela pait, Garap i trening aninit long Anthony Vella bilong Hitman klap na tu wantaim Jamie Stamp, wanpela profesenol muay thai paitman tu.

Garap i kam bek long PNG long Mande dispela wik long malolo na bai go bek long Australia long pinis long Jenuari, 2010 long redi bilong wanpela pait long Febuari.

Garap i tok sapos em i



GO ANTAP: Nupela trening i mekim Garap i pilim strong long go antap moa long pait bilong em. POTO: Andrew Molen.

**LAE
BISCUIT CO.**



WANTOK

SPOTS

**LAE
BISCUIT CO.**



Isu 1844

Wan wik: Fonde, Disemba 10 - 16, 2009.



phones from
only **K29**

from bemobile stores
and all good retail outlets



bemobile toktok moa

WETIM EM: Burt
i laik pilai long wing
bilong Tahu.



RL 9's lukluk tu long AIDS

SAUTEN (Southern) ragbi lig nains (9's) resis long dispela yia ino lukluk tasol long pilai na win long fil.

Em i lukluk tu long gutpela sindaun bilong ol manmeri. Wampela samting we dispela tonamen i save toktok na mekim aweanes long en olgeta yia em sik AIDS.

Dispela yia tonamen bai lukluk gen long mekim moa aweanes na skulim ol manmeri husat i kamap

long dispela ol pilai long save moa long sik AIDS na ol rot bilong banisim.

Kodineta bilong tonamen, Solomon Ravu i tok ol i lukluk tu long ol arapela hevi insait long komyuniti olsem pasin bilong paitim meri na tu ol yuts o ol yangpela manmeri.

Insait long wok aweanes bilong ol, wanwan tim i kisim ol bokis kondom na tu toksave na skul bilong sik AIDS.

Dispela tonamen i save kamap olgeta yia na em i stat long Sande na tete bai namba 5 de bilong en. Ol pilai wok long kamap long Lloyd Robson ovol na Bava pilai graun long Mosbi.

Ravu i tok dispela tonamen em i gutpela sans bilong ol pilaia bilong ol rurel ples insait long Sauten rijen long soim ol save na strong bilong ol long pilai ragbi lig.

■ **Moa long Pes 27.**

Kam bek

...Burt laik pilai wantaim Tahu

WALLABY winga, Timana Tahu bai kam bek long olupela klap bilong em long NRL, Par-ramatta Eels long 2010

na wampela man husat amamas long lukim em gen em Luke Burt. Burt i tok em ino laik wet moa long pilai gen

wantaim Tahu long 2010 sisen. Tahu, 29 krismas i bin lusim Eels long 2007 na i go pilai ragbi yunion

tupela yia wantaim ol Waratahs.

■ **Moa long Pes 26.**

INSAIT: 9-pela Madang stap long skwat. Pes 26.



**BOROKO PELES BILONG SILVA SEVIS
MOTORS**

Niupela **State-of-Art**
Woksop i Op nau long Pot Mosbi

Olsem pat bilong Silva Sevis mipela i laik mekim Pot Mosbi rot seif wantaim 100 Poin Sefti Sek.

***K49.00**

**BOROKO
MOTORS**

Telephone:
Email:
Website:

Heather - 3024 460
heatherw@borokomotors.com.pg
www.borokomotors.com.pg

